

四庫全書

經部

欽定四庫全書

禹貢長箋卷七

吳江朱鶴齡撰

荆河惟豫州

爾雅河南曰豫州

郭璞註自南河至漢

孔傳西南至荆山北距

河水

荆山即南條荆山河即冀州之南

豫之河患次于兗故二州疆

域並繫以河

朱子曰周公以土圭測天地之中

今登

封有測景臺

則豫州為中至于北遠而南近此地形有偏

耳所謂地不滿東南也

熊氏禾曰豫州當天下之

中四方道里適均故古人于此定都不但形勢所在

亦以朝會貢賦之便湯之亳令河南偃師是也

按殷有三

亳殷亳為南亳令歸德府考城縣蒙亳為北亳令歸德府商丘縣偃師則西亳湯所都盤庚自耿遷殷即

此周之洛邑令河南洛陽是也

本成周郊鄆地謂之王城考王封周桓公

于此為西周

其地北距河南抵荆山東抵徐西抵雍梁令

為河南府號郊鄭汝陳蔡唐鄧汴宋等州之地

晉地理志

豫州西自華山東至于淮北自濟南界荆山

班固配十二次自氐五度至尾九度為大火之次

直費

起氏十一度蔡邕起氏八度爾雅大火謂之大辰注大火心也蒼龍宿在中最明故時候主焉於辰

在卯宋之分野

左傳帝遷閼伯于商丘主辰故辰為商星商主大火宋分星也

屬豫

州自柳九度至張十六度為鶉火之次

費直起柳五度蔡邕起三

度爾雅昧謂之柳柳鶉火也注東方蒼龍南方朱鳥柳為朱鳥之口故名昧鶉即朱鳥也

于辰在

午周之分野

國語武王伐紂歲在鶉火是鶉火為周分也歲歲星

屬三河

河東河南

河內為三河

春秋緯文耀鉤

外方熊耳以至泗水

陪尾豫州屬搖星

天官書夜半建者衡衡殷中州

河濟之間正義衡北斗衡也殷當也

晉天文志房心宋豫州潁川入房

一度汝南入房二度沛郡入房四度梁國入房五度

淮陽入心一度魯國入心三度楚國入房四度柳七

星張周三輔弘農入柳一度河南入七星三度河東

入張一度河內入張九度

唐天文志近代言星土者或以州或以國虞夏秦漢

郡國廢置不同周之興也王畿千里及其衰也僅得河南七縣今則天下一統而直以鶉火為周分則疆域舛矣七國之初天下地形雖韓而雄魏魏地西距高陵盡河東河內北有漳鄴東分梁宋至于汝南韓據全鄭之地南盡潁川南陽西達虢畧距函谷固宜陽北連上地皆綿亘數州相錯如繡考雲漢山河之象多者或至十餘宿其後魏徙大梁則西河合于東井秦拔宜陽而上黨入于輿鬼方戰國未滅時星家之言屢有明效今則同在畿甸之中而或者猶據漢書地理志推之是守甘石遺術而不知變通之數者

也

周禮職方氏河南曰豫州其山鎮曰華

賈耽曰周禮職方以舊時

為幽州之浸以華山為荆河之鎮有乖禹貢應從闕疑按華山在今華陰禹時宜入雍州其澤藪

曰圃田其川滎洛其浸波澦

音詐按春秋傳楚子除道梁澦營軍臨隨則澦

宜入荊州今澦水在德安府隨州城東南詩譜周東都王城畿內方六百

里

王城即洛邑班固曰洛邑與宗周通封畿東西長而南北短短長相覆為千里

其封域在

禹貢豫州太華外方之間北得河陽

今懷慶府孟縣

有冀州

之南通典豫州周宋魏韓其分野兼得秦楚之交秦

置郡為三川碭潁川南陽郡之東北境南郡之北境
漢武置十三州此為荊河州漢地理志周地今河南
之洛陽穀城平陰偃師鞏緱氏是其分周封微子于

宋今睢陽

屬梁國

本陶唐氏火正閼伯之墟宋後為齊

楚魏三分魏得其梁陳留魏地自高陵

屬左馮翊

以東盡

河東河內南有陳留及汝南之召陵潁疆新汲西華

長平潁川之舞陽鄆許僞

即鄆

陵河南之開封中牟陽

武酸棗卷皆魏分韓分晉得南陽郡及潁川之父城

定陵襄城潁陽潁陰長社陽翟郟東接汝南西接弘

農得新安宜陽皆韓分

韓武子食采韓原分晉後都平陽及滅鄭遂徙都焉即漢

新鄭詩風陳鄭之國與韓同星分鄭國今河南之新鄭

本高辛氏火正祝融之墟及成皐滎陽潁川之寔高

陽城皆鄭分右洛左洧食溱洧焉

周宣王初封母弟友于圻內咸林之

地今西安府華州子武公滅虢鄭居之名之曰新鄭今開封府鄭州是

陳國今淮陽地

本太昊之墟潁川南陽則夏禹之國

帝王世紀禹受封為夏伯在豫

州外方之南今河南陽翟是

宛

屬南陽郡

西通武關東受江淮亦一都

會也後漢郡國志豫州刺史

治譙今亳州

部郡國六潁川

汝南

分梁沛立

梁國

故秦碭郡

沛國

故秦泗水郡

陳國

本淮陽郡明帝改

魯

國

故秦薛郡本屬徐州光武改屬豫州

而弘農河南二郡為司隸校尉

部

司隸治河南

通考漢時為郡國八郡曰潁川河南陳留

汝南沛南陽國曰梁淮陽又為漢中

北境是

弘農

東境是

郡唐地理志河南道古豫州域洛陝負河而北為實

沈分負河而南號汝許及新鄭之地為鶉火分鄭汴

陳蔡潁為壽星分宋亳為大火分通典唐分置十五

部此為都畿

採訪使治東京

河南府

洛州

陝郡

陝州本弘農郡

臨汝

汝州

滎陽

鄭州

郡

並屬都畿

河南道

採訪使治陳留

為陳留

汴州析鄭滑二州置

睢

陽

宋州

濟陰

曹州

譙郡

亳州

潁川

許州

淮陽

陳州

汝陰

潁州本信州

汝

南

蔡州本豫州

郡

函史號屬河南道初學記襄州禹貢荆豫二州之界

宋史開封府

屬京畿路應天興仁

本曹州

二府拱州廣濟軍

漢定陶

屬

京東西路襄陽府鄧隨金均唐五州光化軍屬京西

南路

內金州南渡後隸利州路

河南潁昌

今開封府許州

淮寧

今陳州

順昌

今鳳陽府潁州

四府鄭孟蔡汝四州信陽軍屬京西北路亳

州屬淮南東路

通考以單州屬豫考單州地為單父碭山魚臺城武應屬徐州宋京東

路得兗豫青徐之域西抵大梁南極淮泗東北至海京西路得冀豫荆兗梁五州之域而豫州為多東暨

汝潁西被陝服南大明一統志古豫州為今河南省
畧鄆郢北抵河津

歸德

春秋宋地秦置碭郡漢為梁國隋置宋州唐置宣武軍節度宋為南京應天府其地廣衍面淮

負河南

周東都秦置三川郡漢置河南郡東漢改河南尹三國魏置司州北魏自代徙都之北周

及隋唐皆為東都宋為西京金號中京南陽周中鄧其地左成臯右澠池前伊闕後大河

春秋屬楚戰國屬韓秦自漢江以北置南陽郡漢屬荆州晉為南陽國及順陽義陽二郡境西魏為重鎮

唐曰鄧州宋曰兗州其地在洛汝寧春秋沈蔡二國陽之南襄陽之北膏沃稱陸海
戰國楚魏之境

秦屬潁川漢置汝南郡劉宋為重鎮號懸瓠城東魏置潁州治此唐曰蔡州宋置淮康軍其地襟帶長淮

控扼潁蔡四府其開封府春秋鄭衛陳杞地秦屬三

州興元初徙宣武節度使治此五代梁都之號東京晉漢周及宋因焉金號南京元曰汴梁其地南與楚

境西與韓境北與則充豫二州域祥符陳留杞縣通

趙境東與齊境鄆陵扶溝中牟蘭陽儀封及湖廣襄陽府詳見則荆

陳許禹鄭四州所屬屬豫州詳見則荆

豫二州域襄陽棗陽穀城光化均州屬豫州考襄陽

府誌又以穀城屬荆宜城屬豫鄭端簡云

山東曹州西南地及

而汴為四戰之地太平宜居汴有事必居洛陽章俊卿曰酈食其荀文若之徒皆稱陳留為天下之衝四通五達之郊秦漢迄南北朝天下有變嘗為戰場王伯之興未有都于汴者自隋煬帝大開汴河直達淮泗而大梁實坐要會振南北水陸之衡形勢百倍李唐屹為重鎮宋仍五代之舊都之大抵長安以陝西為畿輔而屏蔽實在隴右洛陽以關東為畿輔而屏蔽實在河東大梁以河南為畿輔而屏蔽實在河北

丘濬曰三代以前洛為中國之中以今天下觀之

則南北袤而東西蹙其所謂中蓋在荆襄之間 愚

按今之河南實兼河北

懷衛彰
三府

春秋天王狩河陽又

以陽樊溫原攢茅之田與晉考之皆周畿內地則周
時豫州已跨河北而有之蓋河陽當河東之要會為
西洛北門洛邑周東都故隸在內服以廣外屏其後
河內畀晉文而周地益狹至秦併六國必先亡周者
六國叩關以洛陽為孔道周滅則橫據鞏洛東出伊

闕而韓魏震南通陳許而荆楚搖扼天下之腹心斷諸侯之從約而趙代燕齊以次舉矣楚漢相拒亦多子成臯廣武滎陽京索間蓋漢據關中其勢即秦之勢而楚割鴻溝以西為漢則山河之險盡去其亡豈待垓下哉又按宋都大梁本非太祖意鄭漁仲謂無設險之山則國失憑依無流惡之水則民多疾癘是也宋不得幽薊故河北亦不可都然商都河北屢有河患三國五胡之時都鄴都邢臺者亦未見其長久

也使太祖不徇晉王之請遂都洛陽國勢豈至於積
弱哉李綱謂鄧州古南陽西隣關陝可以召兵北近
京畿可以遣援南通巴蜀可取貨財東達江淮可運
穀粟若以定都建康不及此蓋就紹興初時事而論
耳 魏校曰中絡岷山為祖自蜀入隴結於初龍則
為長安結于中龍則為洛陽南絡傳大江放於海北
絡傳大河放于海惟中絡止于嵩高其前平夷凡幾
千里而泰山特起東方張左右翼為障以天下大勢

言之長安龍首穴也洛陽龍心穴也茲其大龍之腹
乎宋都大梁亦在龍腹而國勢弱者汴坦無備其勢
必宿重兵民力坐而困矣予嘗至洛陽相其形勢熊
耳祖龍發自終南遠則太行為後托近則嵩高為左
障然終南自為長安前朝太行亦為平陽左障嵩高
雖為障洛陽而大情自欲東出與萬里平原作祖然
後默識天道之公大地相為勾連其融結非一處王
氣發久而歇又轉之他宇宙所以無窮也

伊洛瀍澗既入于河

洛漢書作雒

漢地理志伊水出弘農郡盧氏縣

今河南府陝州盧氏縣古西虢地

東熊耳山

括地志熊耳山在號州盧氏縣南五十里

東北入洛過郡一

弘農

行四百五十里水經注東北至洛陽縣南北入于洛

愚按山海經水經謂伊源出南陽縣西蔓渠山孔傳

謂出陸渾山

在今河南府嵩縣

淮南子謂出上魏山俱與地

理志不合自郭璞注熊耳在上洛縣

今西安府商州

南而蔡

傳因之考一統志伊水源出盧氏閼頓嶺導山熊耳

亦在豫州界則漢志固得其真矣漢地理志洛水出

弘農郡上洛縣冢嶺山東北至河南郡鞏縣今河南府鞏縣

周惠公封少子于此為東周君入河過郡二弘農河南行千七十里水經

出京兆上洛縣謹舉山山海經謹舉之山洛水出焉蔡傳冢嶺山水經謂之謹舉

山東北過鞏縣東又北入于河山海經洛水成臯西入河一統志洛水經

盧氏永寧宜陽洛陽偃師鞏縣入于河河南通志洛河在河南府城南三里至鞏縣北十里入黃河漢

地理志瀍水出河南郡穀城縣故城在今洛陽縣西北轆亭音

北東南入洛水經注穀城北有轆亭瀍水出其北梓

澤中

一統志穀城山舊名替亭山在河南府城西北五十里連孟津縣界澠水所出

東過偃

師縣又東入于洛漢地理志澗水出弘農郡新安縣

東南入洛水經出新安縣南白石山蔡傳古新安在今

河南府新安澠

音勉

池之間今澠池縣東二十三里新

安城是也

括地志新安故城在今洛州澠池縣東一十三里

城東北有白石

山即澗水所出酈道元云世謂之廣陽山然則澗水

出今之澠池至新安入洛也

河南通志澗水源有二一出澠池縣白石山一

出盧氏縣香爐山俱流至洛陽縣入洛

王樵曰豫之洛猶雍之渭而書

法不同涇澧漆沮雖皆入渭而水之大小不同故曰
屬曰從曰同各別志之伊洛瀍澗四水相敵故統志
其入河與江漢同文

曹學佺曰三川河洛伊也其形若鼎李格非曰伊洛二水分注

河南城中伊水尤清澈

茅瑞徵曰豫州雖北距河已自充入

海此外水惟伊洛瀍澗而洛為最大故禹治豫水先
於此自此而東則滎波自此而又東則荷澤孟豬

王綱振曰濟洛二水同在豫州入河濟大而洛小乃
洛為一州之專患濟則數州之公患其雷夏澤大野

豬濟水之治已散見究徐諸州惟洛出入皆在豫所以與雍州之渭同一發例以經四州之河濟終後於一州之洛亦賓主之辨也 魏校曰長安洛陽大發于周而其機啟自神禹龍門鑿而涇澧漆沮會於渭汭入河長安始可都矣伊闕鑿而伊與瀍澗會于洛汭入河洛陽始可都矣

滎波既豬

蔡傳濟水潛行絕河南溢為滎在今鄭州滎澤縣西

五里古教倉

今開封府河陰縣教山秦時教氏築倉于上

東南水經注濟

水又東逕滎澤北故滎水所都也

述征記滎澤在中牟西東西四

十里許南北二百里許京相璠曰滎澤在滎陽縣東南按今開封府鄭州有滎陽滎澤二縣古滎水在滎

澤縣西北五里

即陰溝之上源自西漢末濟水不復南溢滎

澤口受河水有石門謂之滎口石門地形殊卑鄭玄

云滎今塞為平地滎陽民猶名其處為滎澤在其縣

東

正義春秋閔二年衛狄戰于滎澤鄭玄云即此杜預云此滎澤當在河北以衛敗方始渡戰處必在

河北疑此澤跨河南北而得名也

爾雅水自洛出為波山海經婁涿

之山波水出于其陰北流注于穀水

洛陽記穀水在洛陽城西三十

里郭璞曰波水世謂之百答水

水經注洛水自上洛縣東北出為門

水北逕弘農縣故城東注于河即爾雅所謂洛出為

波

按水經注又引應劭說波水出孤山南入湫水馬端臨云孤山即今歇馬嶺在臨汝郡魯山縣西北

此與禹貢波水名同實別

愚按波澹見周禮當以爾雅為據傳疏

謂滎之波水已豬馬鄭王本波作播謂此澤名滎播

俱謬

酈道元謂禹塞湫水于滎陽下

濟為河所淫

引河東

南以通淮泗濟水分河東南流漢志所云滎陽縣有

菴蕩渠首受濟者是也漢明帝時河流既塞議築汴

渠使樂浪人王景作堤

今名金堤

起自滎陽東至千乘海

口千有餘里十里一水門更相洄注渠流東至浚儀

今祥符縣

名浚儀渠

蔡傳南曰菴蕩北曰浚儀其實一也

其後靈帝時於敖

城西北累石為門以遏渠口又名石門渠石門渠東

合濟水與河渠東注至敖山北而受汴水汴水又東

至滎陽北自廣武二城

即楚漢戰處在今河陰縣

間東流而出濟

水至此乃絕隋大業初

煬帝

發丁夫百萬自板渚

在虎牢東

引河歷滎澤入汴又自大梁之東引汴水入泗達淮

千有餘里更名通濟渠

元和郡縣志汴渠在河陰縣南即滎蕩渠隋名通濟渠

唐宋轉漕因之張洎曰禹于滎澤下分大河為陰

溝引注東南至大梁浚儀縣西北復分二渠一渠東

經陽武縣

今屬開封府

中牟臺下為官渡一渠始皇疏鑿

以灌魏都為鴻溝蕩蕩渠自滎陽五池口東來注之

其鴻溝即出河之溝亦曰蕩蕩渠愚按滎澤之口與

汴河口通其水深可以灌大梁

陳亮曰禹于滎澤下引河南注其流猶未

盛自秦王賁決浚儀灌魏而河汴始分流漢承秦受河患尤劇續述征記汴河到浚儀而分汴東注河南流即鴻溝也戰國策蘇秦說魏曰大王之地南有鴻

溝則鴻溝自蘇秦時已有之張洎謂始皇所鑿似誤黃度曰水經注禹塞滎水於滎陽下引河通淮泗名菴蕩渠一名浚儀渠一名通濟渠一名汴渠然則河西道通淮矣濟逾河為滎河被孟通泗皆有名見源流相屬汴于經無名見非禹瀆也禹濬畎澮距川川皆大瀆行于兩山之間澮洫則皆人為之也徐豫

地平井畫端整凡今陰溝汭睢諸水皆無原本皆溝
澮井絡互相灌輸皆當受水于荷濟者也自浪蕩通
河滎澤既廢故皆受水于浪蕩耳浪蕩出河斷非禹
跡禹治行河本以河湍悍難行平地故醜二渠以引
河而後載之高地二渠非得已也後世不識聖人之
意妄鑿河為瀆或不順地防水屬不理孫故其勢易
決蓋非獨浪蕩也其後濮水通河而酸棗決瓠水通
河而瓠子決汴渠亦屢決至王景治汴鑿山開澗十

里置門使水更相回注紊亂渠脈而禹跡益壞矣且
所為通淮泗者以舟楫之利也荷已通矣而何更用
通菰蕩哉其曰禹塞淫水而鑿之者春秋戰國策謀
之士托其名於禹而世不察也

陳無已汲水新渠記云禹時河南無濟世

謂菰蕩受濟禹塞滎陽而用河者皆失之是黃說所祖與蘇子瞻不合然極有理

唐開元

中江南租船自淮西北泝鴻溝轉輸河陰含嘉太原
等倉凡三年運米七百萬石宋都汴歲漕六百萬石
東南自淮入汴至京師陝西自三門白波轉黃河入

汴至京師陳蔡自惠民河

即閘河

至京師京東自廣濟

河至京師凡四路皆汴河是賴其時近都城者惟汴
蔡諸水而黃河經城之東北以達于海至元時河始
南徙逼城流合汴泗入淮明代正統時嘗分決張秋
口東北入海後復東南入海如故夫治河之法或疏
或塞無容執一然治河于滎澤之間則宜疏濬多而
隄防少蓋滎澤孫家渡口至項城南頓

開封項城縣
有南頓城

二百里間涓流時淤河身淺隘水無所容故其湍悍

之勢不可遽回惟疏濬深廣使水勢少殺則決口可

塞矣

輯考索
諸書

導荷澤被孟豬

荷音柯孟豬漢書作
盟豬史記作明都

孔傳荷澤在胡陵

漢志胡陵縣屬山陽郡
故城在今魚臺縣東

水經南濟

東過冤句

音淵

縣

故城在
今曹州

南又東過定陶縣

今兗州
府曹州

定陶
縣

南又東北荷水出焉又云濟水東流者過乘氏

縣

注見
徐州

又東過昌邑

今兗州府
金鄉縣

東緡

今併入
金鄉

方與

今兗

州府魚
臺縣

縣北為荷水荷水又東過胡陵縣南東入泗

水

酈注荷水與泗水會于胡陵縣西六十里俗謂之黃水口黃水西北通鉅野澤沼注于荷故因以名

馬至下邳入淮括地志荷澤在曹州濟陰縣東北九

十里定陶縣東今名龍池

一統志荷澤在曹州境內今洶漢地理志

盟諸

即孟豬左傳爾雅俱作孟諸周禮作望諸屬青州

澤在梁國睢陽縣

今歸

德府商丘縣

東北蔡傳今應天府虞城縣

即今歸德府虞城縣

西北

孟諸澤是也左傳楚子夢河神曰賜汝孟諸之麋即

此正義地理志謂山陽郡有胡陵縣不言其縣有荷

澤也又謂荷澤在濟陰定陶縣東孟豬在梁國睢陽

縣東北以今地驗之則胡陵在睢陽之東定陶在睢陽之北其水皆不流溢被孟緒然郡縣之名隨代變易古之胡陵當在睢陽之西北故得東出被孟緒也闕駰曰不言入而言被者明不常入也水盛乃覆被之王樵曰孟緒之數可田則有水草而淺涸時多故導河水之溢時乎被孟緒也澤無言導者此二澤相通故可以導此及彼黃度曰導河澤被孟緒蓋因窪下之勢導而行之淺流覆被非若後人之斲鑿為

深渠也 金氏履祥曰自荷澤至孟豬凡百四十里

二水舊相通今荷澤自分南北清河近時大河亦被

孟豬併行睢水矣

考宋京東漕渠起青淄歷齊鄆涉梁山濶入五丈渠達汴五丈渠即

荷澤也 愚按玉海云今東平濟南淄川北海界中有水

流入于海謂之清河實荷澤山東通志亦以荷澤為
濟水所會入海水經則云合泗入淮蓋自漢武時河
注鉅野通淮泗而濟流亦從之南溢合泗入淮者漢
以後之濟桑欽所名南濟也入海當是禹時故蹟

茅瑞徵曰滎與荷澤皆以志濟也滎波在豫西北荷
孟在豫東北澤與豬不同豬是蓄而復流澤是水之
聚

厥土惟壤下土墳壚

蔡傳土不言色者其色雜也顏氏曰玄而䟽者謂之

壚

釋名土黑曰壚壚然解
散也說文壚黑剛土也

其土有高下之不同故別

言之呂覽凡耕之道必始于壚為其寡澤而後枯王
氏炎曰壤則沃墳壚則為瘠王樵曰周禮草人掌土

化之法凡糞種墳壤用廩渴澤用鹿

渴水涸也

博物志廩

聚草澤而食其場成泥名曰廩暖民隨之種稻其收
百倍此即今人糞田法草人土化之法恐亦是類也
墳壤潤解也渴澤故水處即經所云墳壚也 袁黃

曰他州辨土性只一言之青之海濱豫之下土特別
而志之者以如是之土頗多也財賦所生聖人謹焉
廩田惟中上廩賦錯上中

田第四賦第二又雜出第一茅瑞徵曰雜出之等高

于正額故先言錯邵寶曰賦錯出者他州無與焉升

降之說非是

臨川吳氏謂豫賦與
冀相乘除為上下

愚按今南陽汝寧之地直走襄黃地多蕪曠宋太宗
遷雲朔之民於汝鄭墾田頗廣厥後孟忠襄屯守其
處稱重鎮焉丘文莊謂天下之田南方多水北方多
陸荆襄唐鄧間兼水陸而有之南北流民僑寓者衆
宜于兩藩交界中募南人耕水田北人耕陸田按畝
分租隨地儲積或遇河洛關陝荒歉亦可用以救濟

嗟乎此議若行中原之地豈至為巨寇逋聚哉

厥貢漆枲絺紵厥篚織纊錫貢磬錯

林氏之奇曰周官載師漆林之征二十有五周以為征而此則貢者蓋豫州在周為畿內故載師掌其征而不制貢禹時豫在畿外故有貢推此則知冀不言

貢之意矣

今漆出南陽府南召浙川葛出汝寧府信陽州及光山固始見河南通志

說文

紵

音頃

屬陸璣云亦麻也陳詩東門之池可以漚紵

杜預曰吳地貢縞鄭地貢紵

顏師古曰織紵以為布及練

練熟素縐也

織見徐州續細綿也

小爾雅絮之細者曰續傳織續細綿也是以織訓細徐

州之織亦訓細蔡傳續細綿而于織字無訓蓋解同玄織之織當從之

正義磬有以玉

為之者故傳云治玉石曰錯謂治磬錯也

錯字從金鑄鐵為之

是今鑑

吳氏泳曰龜非貢物故言納不言貢橘柚磬錯

雖是貢物非常制為貢也故言錫貢蔡傳揚州先言

橘柚此先言錫貢者橘柚言包于厥篚之文無嫌故

言錫貢在後磬錯則嫌與厥篚之文相屬故言錫貢

在先茅瑞徵曰豫州職貢畧與兗似蓋二州皆近

冀冀甸服專貢粟米二州近京師則專供服御禹制
貢先服食器用次之珍幣又次之

浮于洛達于河

蔡傳豫州去帝都最近東境徑自入河西境則浮洛
而後至也 丘濬曰堯都平陽商都亳成王營洛邑
皆以河為運道後世都汴洛者皆由汴水入河都長
安者雖不瀕河亦必由河入渭是古今建都無有不資
于河道者一統志汴河舊在滎陽縣東經開封府城

內又東合蔡河

蔡河本名琵琶溝在浚儀是秦漢故運道隋開汴河不復由此唐杜佑復

濬之

宋史蔡河貫京師閼水自尉氏入焉是為惠民河

名浪蕩渠東注泗州下

入于淮近因河決蔡河湮沒無跡而汴河自府西中牟縣入黃河矣

禹貢長箋卷七

欽定四庫全書

禹貢長箋卷八

吳江朱鶴齡撰

華陽黑水惟梁州

蔡傳東距華山之陽西據黑水

孔傳東據華山之陽西距黑水按黑水未

詳而梁州東境止于華陽從蔡是

華山即太華詳導山正義梁州之

境東抵華山之南不得其山故言陽也曾氏曰華山在梁雍之東其陽為梁州其陰為雍州其北則雍州

之西河其南則豫州之南河

按華山四州之際東北曰冀東南曰豫西南曰

梁西北曰雍唐十道圖山南東西道
在關內道之北蓋亦以華山為界云
愚按黑水自雍

之西北經梁之西南涉者脛黝黑漢書黑水出犍為

南廣縣

今叙州府慶符南溪二縣皆漢南廣縣地

汾關山水經注北至犍

道縣

今叙州府宜賓縣

入江此乃梁州西南夷界之水在今

叙州府城東南十五里輿地志以為即禹貢黑水非

是又一統志疊溪千戶所有黑水與汶江合流至成

都府安縣入羅江鄭端簡謂此是梁州黑水然雍梁

黑水豈可別為二乎辨詳導水

四川名勝志黑水出故漳臘潘州界是為

岷江之始水自汶山下過猶河水之遶崑崙也此即疊溪黑水

周職方有雍州無

梁州蓋雍乃王畿居中制外為民極梁為雍阻固故併梁于雍也漢改梁為益益之為言扼也言所在險

阨亦曰疆壤益大故以名焉

水經注漢武元朔二年以新啟犍為牂牁越雋

州之疆壤益廣故稱益云

熊氏禾曰或言秦以前蜀未嘗通中

國至秦鑿山開道關塞始通恐止言金牛一道耳

統一統

志金牛峽在漢中府沔縣西一百七十里即五丁所開

下言岷嶓沱潛蔡蒙和

夷禹之故跡皆可見何嘗不通中國也北與秦隴接

境為天下要脊世治則順化服從世亂則阻險割據
任擇牧守實難其人

班固配十二次自畢十二度至東井十五度為實沈

之次

費直起畢九度
蔡邕起畢六度

于辰在申魏之分野

亦曰

屬益

州

春秋元命苞參伐流為益州春秋緯文耀鉤荆山
西南至岷山北距鳥鼠梁州屬開星天官書用昏

建者杓杓自華以西南
正義云杓斗之尾也

晉天文志

觜參魏益州廣漢

自觜一度越雋入觜三度蜀郡入參一度犍為入參
三度牂牁入參五度巴郡入參八度漢中入參九度

益州入參七度

通典梁州夏殷間為蠻夷國所謂巴賁彭濮之人也
周末秦伐蜀有其地其分野兼得秦楚之交秦置郡
為漢中巴蜀郡及隴西之南境內史之南境漢武置
十三州此為益州魏分置梁益二州晉因之漢地理
志秦地南有巴蜀廣漢犍為武都又西南有牂牁越
雋益州皆宜屬焉巴蜀廣漢本南夷秦併為郡土地
肥美南賈滇音黠顛蒲北反僮西近邛笮馬旄牛民食稻

魚無凶年憂武都地雜氏羌及犍為牂牁越雋皆西
南外夷武帝初開置民俗略與巴蜀同後漢郡國志

益州刺史

治洛今漢州

部郡國十二漢中巴郡廣漢蜀郡

犍為牂牁越雋益州永昌

明帝分益州置

廣漢屬國蜀郡屬

國犍為屬國通考漢又為弘農郡之南境

是上洛

唐地

理志古梁州域山南西道

採訪使治梁州

梁中洋

洋川析梁州置

利

益鳳

河興順政

成文

同陰平析武都置

扶集

符陽析梁巴二州置

璧始

析巴

清蓬咸安析巴隆

通開

通開盛山析巴

閬

閬中

本隆

州果

南宛析隆州置

渠

潯山本

為鷄首分府一

漢中內成州通典十道

圖並入隴右道文扶二州通典十道圖
並入劍南道閬果二州通典入劍南道
山南東道訪

使治金漢陰亦忠南宵析涪涪陵析萬南浦析信州
襄州曰安康忠巴東置涪渝州置萬置內金州

通典入京畿道涪州通典入隴右道
點中道十道圖入山南西道
治鄠州岷和政

洮階武宕懷道本疊合川析皆鷄首分內岷州通典
置都宕昌郡洮州置皆鷄首分十道圖並入

雍劍南道採訪使益蜀唐安析彭濠陽析漢德陽
治益州郡益州置益州置漢析益

州眉通義析梓梓綿西劍合巴州本資資邛臨邛
置嘉州置潼潼西劍安涪陵郡資邛邛析雅

州茂通化本沃山松交州析扶
置郡一名會州會二州置
雋越戎南溪本遂遂寧

禹貢長箋

四

陵

仁壽為

雅

盧山

瀘

簡陽安析

普

安岳析

渝

南平本

當

江源析

龍

江油

翼

臨翼析

悉

歸誠析

黎

洪源析

靜

靜川析

恭

恭化析

維

維和義析

榮

資州置

奉

雲山析

姚

雲南

亦

鷄

首

分府一

蜀郡

都

護府一

保寧初學記梁州自

劍閣而西分為益州

是為劍南道其北

通考兼分入京畿為上洛

商

安

康

安康

安康

安康

金

郡

及

黔

中

道

涪

陵

涪州

南

川

郡

宋

史

梁

州

為

川

峽

川峽

四

路

成

都

路

府

一

成

都

州

十二

眉

蜀

彭

綿

漢

嘉

邛

簡

黎

雅

茂

威

軍

二

永

康

石

泉

監

一

仙

井

潼

川

路

即梓

府

二潼川遂寧州九果資普昌叙瀘合榮渠軍二懷安

廣安監一富順利州路府一興元州九利洋閬劔文

興蓬政巴軍一大安夔州路州七夔忠萬開達涪恭

軍三雲安梁山南平監一大寧南渡後頗更置云

川峽

四路合禹貢梁雍荆三州之地而梁州為多南至荆

峽北控劔棧西南接蠻夷按宋平孟蜀分為益州

利州梓州夔州四路益在川西夔在川東利梓俱在

川北嘉定則川南也梓州今潼川州利州今保寧府

廣元

大明一統志古梁州為今四川省成都

秦置蜀郡漢分

置廣漢郡唐為益州置劔南節度其

保寧

秦漢屬巴郡晉置巴

西郡唐曰隆州改閬州宋為安德軍元陞保寧順慶府其地梁洋梓益之衝前界闕表後據劍閣

秦漢屬巴郡晉屬巴西劉宋分置宕渠郡唐置果州宋陞順慶府其地接壤漢中嘉陵江襟帶其左叙

州古楚國漢置犍為郡唐曰戎州宋重慶周巴子國改叙州其地負山枕江舟車之衝重慶秦置巴郡

漢因之隋唐曰渝州宋改恭州陞重慶馬湖府其地東魚復西楚道北漢中南夜郎馬湖祥牂牁之

境其地南距戎龍州周秦氏羌地漢為陰平道屬廣瀘北走蕃資漢郡後魏置江油郡唐為龍州

宋為政州其地四塞雲各府潼川秦屬蜀郡漢屬廣棧百里鄧艾伐蜀所置各府潼川漢蜀漢曰梓潼隋

唐曰梓州宋陞潼川府其地左帶嘉定秦屬蜀郡漢涪水右挾中江川西北之門戶嘉定屬蜀犍為二

郡唐宋曰嘉州其眉秦屬蜀郡漢屬犍為唐宋邛秦地負三峩帶二江眉曰眉州其地為岷峨輿區邛漢

屬蜀郡西魏置邛州其瀘漢屬犍為東漢置江陽郡地前控沉黎後接邛笮隋唐宋曰瀘州其地南倚

牂牁北雅秦漢屬蜀郡隋唐曰雅州各州及東川南古通廣漢其地控帶夷落南詔咽喉

詔烏蒙漢牂牁地烏撒鎮雄亦號各軍民府播州秦夜郎地漢屬

牂牁唐宣慰司永寧漢屬益州西陽秦黔中地漢以置朗州宋隸瀘州

陵郡唐石砮漢屬牂牁其地各宣撫司其天全六番曰思州連黔播接荆湘

古蠻獠地招討司則梁州南境黎州古西南夷笮都唐隸雅州地漢曰沉黎隸

蜀郡唐置黎州其地安撫司則梁州西境松潘羌氏處越薦邛蜀之中

漢屬河關郡晉屬汶山郡唐置松州其地東南面雪嶺西北界洮河指揮司疊溪漢屬蜀郡

晉屬汶山

唐置翼州

千戶所四川行都司

古西南夷邛都地漢置越雋郡唐置雋州

唐末為蒙

詔所據

皆屬梁州夔州府

春秋庸國秦漢屬巴郡東漢分置永寧郡蜀漢

改置巴東郡為重鎮梁置信州唐曰夔州其地為蜀口荆楚上游

則荆梁二州域

奉節

雲陽萬縣開縣達州新寧梁

雲南省雲南

古滇國漢置益州郡

山建始東鄉太平屬梁州

蜀漢分置雲南郡唐曰南寧後為蒙詔所據元始置中慶路其地東距雙道南屬交趾西抵伽陀北接吐

蕃大理

漢屬益州蜀漢屬雲南唐置姚州其地廣險南詔都會

臨安

漢屬牂牁唐屬黔州

都督其地北抵

楚雄

漢屬益州晉置安州元

激江屬

益州隋

廣西

漢屬益州牂牁唐隸黔州其地東瞰廣西南距交趾

各府曲靖

屬

益州蜀漢置興古武定漢屬益州郡唐屬戎州麗江

郡唐置南寧州漢屬越雋益州東漢屬永昌隋唐屬雋州其地南接大理北距吐蕃永昌東漢置永昌郡唐屬姚州

都督其俗以金各軍民府並屬梁州界貴州省普安

州漢屬牂牁唐置盤州其地界雲貴川廣之間亦梁州界貴州宣慰司漢羅

甸國元隸雲南行省則荆梁二州之南境也陝西漢

其地為滇南門戶

中府詳見是梁雍二州城興安州平利石泉洵陽漢陰白河紫陽寧羌州沔縣

屬梁州考地志漢中為梁雍荆三州域金州是荆梁之交謂秦頭楚尾即興安州鄭端簡云鞏昌府西和

成縣秦州蜀地與秦同域劍閣之險在今保寧府劍州過于

潼關蜀所恃為外戶巴西梓潼宕渠三郡去漢中遠
遠俱在劍閣之內漢中前秦後蜀漢高由之以定三
秦孔明由之以鎮關隴黃權所謂蜀之股肱楊洪所
謂蜀之咽喉也 林駟曰蜀之根本在成都而漢中

為唇齒蜀之藩籬在漢中而陝隴為遮援守南鄭

今漢

中府治

則長安可窺守武興

今畧陽縣

則隴西可取

牟子

才曰重慶為保蜀之根本嘉定為鎮西之根本夔門
為蔽吳之根本 愚按晉書劉裕遣朱齡石伐蜀衆

軍從外水取成都臧儁從中水取廣漢今漢州老弱從

內水向黃虎

近涪域

庾仲雍云江州

今重慶

正對二水口

右則涪內水左則蜀外水通鑑註水自渝上合州至

綿州者謂之內江自渝由戎瀘上蜀者謂之外江內

水今涪江外水今岷江也其中水即雒水

一統志雒水在漢州

經新都

昭烈取劉璋自涪城進圍雒城蓋由中水楊慎

云中水沱江當更考程大昌曰漢書漢二年漢王

從杜南入蝕

音力

中至南鄭蝕中地書皆不載以地望

求之關中南面皆碍南山不可直達其有微徑可通

漢中者惟子午關

在今西安府城南
唐明皇荔枝驛路

子午關在長安

正南其次向西有駱谷關關之又西則褒斜也蝕中

若非駱谷必是子午若大散關

在今漢中
府鳳縣

則在漢中

西南不與咸陽對出非其地矣是年五月漢王引兵

出襲雍則自褒斜北出蓋雍縣之陳倉也唐玄宗幸

蜀自馬嵬

在今西安
府興平縣

由武功入大散關河池劍閣以

達成都其近也路亦如之德宗幸奉天

今西安
府乾州移蹕

漢中則自鄠縣入駱谷轉西以達梁州緣其時李楚

琳據鳳翔故迂道駱谷及還京即取徑褒斜矣

楊慎曰漢

中雖是平川東北入長安西南出劍門皆有棧閣王全斌伐蜀自益光江趨來蘇徑不由劍門入是劍門

外又別有一路

何景明曰今由秦入蜀之道西南則褒谷

從褒入南則駱谷從洋入東南則斜谷從郿入舊志

謂首尾一谷者非是棧道有四從成和階文出者

成縣

西和階州文縣俱屬鞏昌

為沓中陰平道鄧艾入蜀由之

艾自陰平景谷

步道逕江油而

從兩當出者

兩當縣亦屬鞏昌

為故道漢高攻

陳倉由之

陳倉道在漢中沔縣

從褒鳳出者為今連雲棧漢王

之南鄭由之從成固洋縣出者

皆屬漢中

為斜谷道武侯

屯渭上由之此皆關南之險阨 宋中興四朝志大

散關隸梁泉縣

屬鳳州今鳳縣

在鳳翔寶雞縣之南為秦蜀

往來要道兩山關控斗絕出可攻入可守實表裏之

形勢也和尚原鳳之東境抵鳳翔不百里仙人關興

之東境

興州今畧陽縣

距利州纔七驛自利抵劍閣百里而

羸倘棄和尚原而退守仙人關則蜀之險要所失過

半敵既得和尚原或自梁洋經米倉山入巴閬或自
均房由達州山路入夔峽或直攻仙人關形分勢散
所備皆急一處破壞在在震動矣自南北講好中分
關中之界如大散仙人饒風武休皆吾界也而仙人
關外又分左右二道自成州經天水縣出皂林堡直
抵秦州昔吳璘大軍由此而出地勢平行因為溝塹
引水縱橫名曰地網以遏敵衝自兩當縣直至鳳州
取大散關距和尚原纔咫尺敵常憑原下視如蟻垤

故其勢難守所恃緩急有仙人關耳

岷嶓既藝

岷史記作汶漢書作嶓說文作密

漢地理志蜀郡有湔

音箋

氐道

縣有羌夷曰道

岷山在西徼外

江水所出蔡傳岷山在茂州汶山縣晁氏說之曰蜀以山近江源者通為岷山連峯疊岫不詳遠近青城

天彭諸山之所環遶皆古之岷山青城乃其第一峰

也

青城山在成都府灌縣西南五十里

天彭山在成都府彭縣北三十里

陸游曰自蜀境之西大山

廣谷谿筍中皆岷山也

王樵曰岷山蟠據華夷江出其

間誠有如晁氏所言但禹導江必有所始導山曰岷

山之陽至于衡山則固有定指矣漢汶山縣有江瀆

廟蓋禹導江始此云

輿地廣記岷山在茂州汶山縣西北俗謂之鐵豹嶺禹之導江

發跡於此水經隴西郡氐道縣番冢山

釋名山頂曰冢漾水所出

漢地理志隴西郡西縣番冢山

史記正義漢隴西郡西縣在秦州上邦

縣西南九十里蔡傳即今興元府西縣三泉縣也按後魏分沔陽置番冢縣隋改西縣今漢中府沔縣

也蔡氏誤以後代漢中之西縣當正之

西漢水所出華陽國志

漢水東源出武都

韓邦奇曰漢武都所治甚遠西北自鞏昌府成縣東南至漢中府沔

縣千八百餘里漾山為漾水西源出隴西嶓冢山逕葭萌入

漢杜氏通典嶓冢一在天水之上邽今鞏昌府秦州一在漢

中之金牛注見前在天水者為西漢愚按班固以西漢

出嶓冢于武都東漢第言受隴西氐道漾水而不著

所出之山今鞏昌秦州漢中沔縣皆有嶓冢一統志嶓冢山

一在秦州西南六十里一在沔縣西一百二十里韓邦奇曰鞏昌是漢源嶓冢山可証漢中無嶓冢山

沔水源出金牛山人誤以沔水為漢水遂以金牛為嶓冢其說不知何據蓋一山而跨二

府之城水經以漾水為西源沔水為東源道元謂東

西兩川俱出嶓冢而同為漢水者是也但西漢水南入廣漢白水東南至江州入江經文漾流為漢乃東至彭蠡入江博考圖志源流本不相合自漾沔之名亂于桑欽而學者遂輾轉滋惑矣常璩以漾水為東源正與經應所云漾山未詳豈即嶓冢別名歟江漢順流則二山之墟皆可樹藝史稱岷山之下沃野千里與漢中俱號天府之國蓋成于李冰而發于神禹也

沱潛既道

孔傳沱潛發源此州入荊州正義地理志蜀郡郫縣

今成都府郫縣

汶江縣

今成都府安縣

皆有沱水

地理志沱水在蜀郡郫縣西東入大

江其一在汶江縣西南東入江

及漢中安陽縣

今漢中府漢陰縣

有潛水

地理

志潛谷水出安陽西北入漢潛音潛

其尾入江漢耳首不于此出江

源

今成都府崇慶州

有鄠

音仇

江首出江南至犍為武陽

今成都府

新津縣

又入江豈沱之類與潛蓋西漢出嶓冢東南至

巴郡江州入江行二千七百六十里爾雅音義沱水自

蜀郡都安縣湔山

在今灌縣即玉壘山

與江別而東流又云有

水從漢中沔陽縣

令漢中府沔縣

南流至梓潼漢壽

令保寧府廣元

縣漢廣漢地

入大穴中通岡山下西南潛出

水經注潛蓋漢水枝分潛

出謂之伏水

舊俗云即禹貢潛水也愚按梁州沔水通典

在唐昌

令成都府崇寧縣

近志云一在灌縣

在成都西

一在新繁

在成都西北

灌縣之沔即爾雅所云別江于湔山者其鄰

江寰宇記一名皂江自青城縣百丈水南流入崇慶

州至新津入江孔疏以為即沔江所未詳也潛水水

經出巴郡宕渠縣

今順慶府渠縣縣有渝水古潛水亦名宕渠水俗謂之渠江

史

記正義云潛水源出利州綿谷縣東龍門山大石穴

下

在今保寧府昭化縣西

庾仲雍以墊

音疊江晉縣屬巴郡

有別江出

晉壽縣

晉縣今保寧府廣元縣

此即潛水考綿谷即晉壽石穴

水當經綿谷出宕渠杜甫詩綿谷元通漢亦一証也

郭璞所解沱潛惟據梁州不言荊州沱潛鄭康成以

荊梁二州各有沱潛故荊州之潛曰未聞于梁州則

云漢別為潛其穴本小禹自廣漢疏通即為西漢蓋

即指綿谷水耳然此水既從沔陽南流則是東漢支
派與西漢水不相蒙地理志西漢水出嶓冢南至巴
郡江州入江潛水出巴郡宕渠符特山西南入江不
云潛即西漢鄭康成始合之為一而酈道元孔穎達
輩遂因之疑康成說不足信及考西漢水自嶓冢而
下即西南流過祁山入嘉陵道為嘉陵水又東南流
經宕渠合宕渠水見水經注乃知西漢水入潛故世遂以
潛即西漢耳若必求出漢入漢者為潛則今之宕渠

水與西漢水皆至合州入大江何嘗與沔漢相為沿
注哉鄭端簡以梁州三十六江皆是潛水此又非定
論謹識之以俟博聞者王樵曰凡河江淮漢惟一見
沔潛于二州再書既道者其名雖同而原委各別也
蔡傳上志岷嶓下志沔潛江漢源流於是乎見臨川
吳氏謂凡江漢支流皆名沔潛不拘一處猶蜀山近
江源者皆為岷山或云岷謂之汶漢謂之漾亦謂之
沔恐屬方言今寧羌州有沔縣又東有洋縣即古洋

州洋漾聲相近

蔡蒙旅平

輿地志蔡山在雅州嚴道縣

今雅州榮經縣金氏曰在嚴道縣南四川志在

州城東五里

漢地理志蒙山在蜀郡青衣縣

今雅州名山縣四川志蒙

山在名山縣西十五里楊慎以蒙山為雲南蒙樂山非是

蔡傳酈道元謂其山上

合下開沫水經其間

水經沫水出蒙山南與青衣水合東入于江一統志沫水在雅

州西五十里

出為溷崖水水脈漂疾歷代為患李冰發卒

鑿平溷崖

楊慎曰元和志李冰鑿離碓在雅州舊蜀志言在灌縣謬

則此二山在

禹為用功多也

按水經注上合下開本指蒙山言之蔡傳引之似混近說遂以蔡蒙二山

都是志沫水蓋因蔡傳而誤也

孔傳祭山曰旅顏師古曰旅陳也旅

平言已平治而陳祭也

一統志旅平舊址在今雅州城東十里俗呼落平

陳氏大猷曰旅獨于梁雍言之者九州終于梁雍以見前諸州名山皆有祭也旅獨于蔡蒙荆岐言之者蓋紀梁之山終于蔡蒙紀雍之山始於荆岐以見州內諸名山皆有祭也故未復以九山刊旅總結之然必言于諸州後者亦先成民而後致力于神之意與

和夷底績

蔡傳和夷地名嚴道以西有和川有夷道或其地也

寰宇記雅州東
北有和夷壩

晁氏說之曰和夷二水名和川水自

蠻界羅岳州東來

寰宇記和川路在雅州榮經縣界
西去吐蕃大渡河五日程從大渡

河西至吐蕃
松城四日程

經蒙山而入岷江所謂青衣江也

水經
青衣

水出蒙山東與沫水合入江
統志青衣江在雅州名山縣

夷水出巴郡魚復縣

今夔州府
奉節縣

東過夷道縣

今荊州府
宜都縣

北東入于江

水經
注魚

復縣南夷水出焉縣有夷谿即根山清江也按
此夷水在今川東去和川絕遠晁氏引之非是愚按

和夷無定說水經注鄭玄曰和上夷所居之地和讀

曰桓地志桓水出蜀郡蜀山

水經作岷山

西南行羌中故

晉道記曰梁州南至桓水自桓水以南為夷書所謂和夷底績也古桓和二字誠通用但地志所云桓水出蜀山者已不可考若以為西傾因桓之桓水又不
在梁州域內一統志天全招討司治南四十里有和水即蔡晁所指在蔡蒙之西又地志越嶲蘇示縣西北有尼江師古註示讀祗尼古夷字

集韻夷古作尼

此夷江與

和川相近四川志亦云和夷在黎雅越雋等處則此疑是禹貢之和夷而先儒顧不之引何也經文凡云底績皆主地言此當是地名因水者蘇傳以和夷為西南夷名曾氏謂嚴道有和川夷人居之蓋皆本康成之說

厥土青黎

黎史記作驪

孔傳色青黑而沃壤

按馬融王肅云黎小疏也蔡傳黎黑也蓋主孔傳

吳氏

澄曰梁土不言質質不一也金氏履祥曰梁土色青

故生物易性疏故散而不實

此從馬王說

史亦謂成都土

疏難以築城

唐書高駢築成都羅城蜀土疏惡以甃甃之

董二酉曰黎訓

黑以色言或訓疏以性言考黎字無疏訓疏乃黑土之性耳說者見蜀土疏惡遂以附會字義實不然也蓋土性粘膩然于其中復分五行黃者土之土也得其本然為最上赤者火之土也為次之白者金之土也又次之青者木之土又次之黑者水之土也為最下土本尅水今反為水所勝其疏惡何疑哉至若一

州之土色有不同如壤之與墳壚為性各別不足異也

厥田惟下上厥賦下中三錯

田第七賦第八雜出第七第九正義梁州之賦下中為正上下取一通第八為三故言三錯胡氏一桂曰梁州夷狄北境變故不常而定出八等似若太優故無事則錯出第七等有事則錯出第九等也 蔡傳賦雜出他等者或以為歲有豐凶或以為戶有增減

皆非也意者地力有上下年分不同如周官田一易再易之類歟王樵曰按周官不易之地謂歲種之地為上田一易之地謂休一歲乃復種也為中田再易之地謂休二歲乃復種也為下田蔡氏之意謂田遇年分休不耕者多則賦從而少然豈偏冀揚豫梁四州田有一易再易而餘州皆可歲耕者耶蓋冀州地大物繁賦既上上而又間出上中以寬之豫為中土原田既美人功亦脩幾與冀埒故賦既上中而又間

出上上以進之揚田下下然人稠而地力亦盡故賦
高于田二等而間出又進一等此實東南繁阜之權
輿矣梁田下上復優於揚然多山而少田人功亦劣
故賦之等退在下中而又以七九二等為之上下間
出調劑可謂密矣舉此四州為法而餘州可見無錯
者其等已定也有錯者其等難定時進退以通節之
也後代卒不能易禹之等惟雍州沃野千里秦漢以
來稱天府之國而禹時洪水初平風氣未開觀公劉

太王初起陶復陶穴困于狄人之時則昔之雍州豈
後之雍州哉人事未至聖人固不能豫進之也然田
曰上上則人事氣化亦已有所待矣

厥貢璆鐵銀鏤砮磬熊羆狐狸織皮

孔傳璆玉名廣韻璆與球同

集韻球或作璆

蔡傳璆玉磬

按字

書多作玉名

鐵先于銀者鐵之利多于銀也蜀卓氏

程氏以鐵冶富擬封君則梁之利尤多于鐵

徐廣曰臨邛出

鐵後漢郡國志宕渠臺登會

鄒氏近仁曰漢志捷為

無滇池不韋諸縣皆出鐵

郡朱提縣

今嘉定州
捷為縣

有朱提山出銀

南中志朱提舊
有銀窟數處

每銀八兩為一流直一千五百八十他銀一流但值

千是梁州之銀獨美於他州故以為貢也鏤者可以

刻鏤剛鐵也金剛切玉如泥寰宇記定筰縣有鐵石

山

在今四川
行都司

出砮石火燒之成鐵為劍戟最利

華陽
國志

作出臺登名勝志云鹽井衛古定筰縣也今山在
衛西七十里亦近臺登臺登定筰漢志皆屬越雋

時所貢之砮疑即此蔡傳磬石磬按磬有玉石蔡訓

石磬蓋嫌與璆混耳林氏之奇曰浮磬貢於徐磬錯

貢於豫此州既貢玉磬又貢石磬知當時樂器磬最為重豈非以其聲角在清濁大小之間最難得其和

者哉說文熊山獸冬蟄

異苑云熊無穴或居大樹孔中見人則顛倒投地

羆

大於熊黃白文

郭璞云長頸高脚猛戇多力能拔樹山海經蟠冢之山其獸多熊羆

狐

妖獸狸伏獸孔傳貢四獸之皮織金罽

釋言云羆罽也胡人續羊

毛作衣

正義織毛而言皮者毛附于皮故于皮表毛耳

蘇傳以罽者曰織以裘者曰皮

王樵曰罽西胡氈布織毛為之若氈毼

毼之類字當作罽作罽非罽魚網也吳澄曰通外國之俗者言織皮是獸皮熟之去毛削令至薄裁極細

如縷以金傳之織而為布非織皮為裘亦非織毳為褐也

西傾因桓是來浮于潛逾于沔入于渭亂于河

西傾雍州山漢地理志在隴西郡臨洮縣西南

一統志在

今陝西臨洮府西南一百五十里一名羗臺山雍大記西傾在洮州臨潭縣西北九十里臨潭唐縣故城

在今洮州衛西南

水經西傾之南桓水出焉

愚按水經桓水出岷山西南行

羌中入南海近志云即洮水洮水流洮岷界入黃河今二說並存無從考據鄭端簡云桓水過嶓冢山東

流入潛此則大謬

孔傳漢上曰沔

漢志沔漢水一二名一統志沔水在漢中府褒城縣

南四里蘇傳禹時通謂褒水為沔

水經注自西傾而至葭萌浮于西

漢西漢即鄭玄所謂潛水也自西漢遡流而屆晉壽

界阻漾枝津南歷置穴

置山名有大穴作岡北者誤

迤邐接漢沔

歷漢川至南鄭

今屬漢中府

屬於褒水逾衙嶺

括地志衙嶺山名在

襄城縣西

之南溪灌斜川屆武功

今西安武功縣

而北以入

于渭蔡傳經言沔渭而不言褒斜因大以見小也絕

流而渡曰亂

河即冀州之西河

愚按梁州西境之貢自西傾

陸運傍桓水而行不曰浮桓而曰因桓至潛始汎舟

也潛之北為沔沔之北為渭

沔在梁州渭在雍州疏云沔在渭南五百里

褒通沔斜通渭其間絕水百餘里不言逾者蒙逾於
沔之文曰入則亦包斜渭在內矣自渭入河由西而
東故橫絕以渡夫貢道皆言浮言達惟荆梁間曰逾
然陸運特以濟水運之窮未有全用陸者聖人之不
欲勞民于此見之 王樵曰漢中棧道七百里北口

曰斜南口曰褒

後漢書註長四百七十里

同為一谷褒水出太白

山

在漢中府洋縣

經鳳縣

屬漢中府

南流入褒谷

雍大記褒谷在褒城縣東北十

里出連雲棧直抵鳳縣斜谷七百里

又南流入沔

水經注褒水出衙嶺東南歷故棧道至褒

口又南逕褒縣故城入于漢

斜水出衙嶺山北至郿

屬鳳翔府

入渭雍錄

渭水東至武功縣受斜水褒斜二水介衙嶺而分南北斜經武功而東入于渭也

所謂絕水

百餘里者以褒斜二水兩首相距言之非謂褒斜二

谷也漢武帝時人有上書欲通褒斜道及漕事下張

湯湯言漕從南陽上沔入褒褒絕水至斜百餘里以

車轉從斜下渭如此則漢中穀可致是逾沔入渭之

道漢人常用之今蜀中通貢賦水則大江陸則棧道

此道無復講矣葉氏少蘊曰雍言織皮崑崙析支

渠搜非中國之貢明矣西傾即西戎之境疑熊羆狐
狸織皮與西傾因桓是來相屬謂四獸織皮乃西傾
之戎因桓水而以此來貢也愚按西傾僻在雍州之
西南不應梁州貢物乃紆道由之西傾因桓正記
織皮所由來耳况他州貢道各以浮字起此與雍州
西戎之貢相似當從葉說無疑鄭端簡亦云西傾因
桓是來當合上作一節浮字潛四句作一節

禹貢長箋卷八

欽定四庫全書

經部

禹貢長箋卷十九

詳校官監察御史臣劉人審

通政使司副使臣莫瞻菴覆勘

總校官編修臣王燕緒

校對官中書臣李斯咏

謄錄監生臣馮國柄

欽定四庫全書

禹貢長箋卷九

吳江朱鶴齡撰

黑水西河惟雍州

雍去聲

爾雅河西曰雒州應劭曰四面積高曰雍

東二嶠西隴山南商

山北甘泉九峻諸山

王肅曰西據黑水東距西河

古注誤作西距黑水東據

河王肅始正之

正義禹治豫及梁自東向西故先華陽而後

黑水從梁適雍自南向北故先黑水而後西河河在

雍州之東而曰西河者龍門之河在冀州西界故謂

之西河王制云自東河至于西河千里而近是河相對為東西也愚按雍州之境阻以函谷二嶠表以終南太華山最高而不言者以不勝紀也黑水在雍州西北鄭端簡謂是鎮夷黑水與經導黑水不同且與註據字合鄭意以梁雍二州各有黑水故前云疊溪此云鎮夷今考鎮夷所在陝西行都司城西北三百里即漢張掖地與三危相近此政導黑水之黑水也水經注白水出臨洮西傾山東南流與黑水合黑水

出羌中西南經黑水城西在陰平西北臨洮西南古
沓中之地意此即從張掖來者乎若漢中黑水源出

太白山

山在慶陽府城
北百五十里

南流入漢

雍大記黑水在城
固縣西北諸葛亮

戡朝發南鄭暮
宿黑水是也

又非雍州所表識又按爾雅無梁州

李巡云雍州兼得梁州之地則商制與周職方同漢
改雍為涼以西方常寒涼也地勢西北斜出在南山之
間南隔西羌西通西域獻帝時涼州數有亂河西五
郡去州隔遠于是乃別為雍州末又合關右為雍州

熊氏禾曰雍州秦地婁敬謂金城千里天府之國
合天下形勢言之所謂秦得百二者實以據地勢之
上游當天下之要脊四塞為固全一面之險以東制
諸侯故言定都者必先焉但其地迫近西戎周秦漢
唐世有羌胡之患必盡陰山與唐三受降城及靈夏
河西五郡為塞地乃可耳又常考之古今地志雍州
之地即無黑水所謂導黑水至於三危者三危山或
云在燉煌郡則今瓜州也曷嘗有此水踰跨諸山以

至於南海哉若以河源崑崙推之崑崙山脊以西人跡所未到其東中一支則重岡積嶺直至終南太華皆是雍之南山而瓜州乃在河西五郡實當西北界上漢人所謂斷匈奴右臂者以其不與西戎相接也史當有錯

班固配十二次自東井十六度至柳八度為鶉首之

次

費直起井十二度
蔡邕起井十度

于辰在未秦之分野屬雍州

張衡

曰雍州乃金水之位河漢之源春秋緯文耀鉤華岐以西龍門積石至三危之野雍州屬魁星陝西志柳

星及張雖豫州分野而雍州分野亦得柳之七度至張十七度寢及鶉火之次焉故唐志謂柳在鬼東接于漢源當晉天文志東井與鬼秦雍州雲中入東井商洛之陽

一度定襄入東井八度雁門入東井十六度代郡入東井二十八度太原入東井二十九度上黨入與鬼

二十度

表黃曰周禮保章氏以星土辨九州之地所封之域各有分星左傳熒惑守心宋景禳其

咎實沈為祟晉侯受其殃是也然其間相配者少相反者多并在北而娥訾在北荆在南而鶉尾在南此其躔次相配可考也青在東玄枵在北雍在西鶉首在南揚在東南而星紀在北翼在北而大梁在西此其躔次相反可疑也唐一行謂分星有山河脈絡之兩戒雲漢升沉之四維認而識之可以見其相配鄭

漁仲深取其說近世蘇平仲又指為疏遠而謂分野
分星古不謂地又引有分星而無分野之言以証其
不必盡泥然以史冊觀之四星聚牛女而晉元王吳
四星聚觜參而齊祖王魏彗星掃東井而苻堅亡秦
景星見箕尾而慕容德復燕此豈非分野之驗而不
容誣者耶陳子龍曰分野之說自古有之然中國之
于天下數分之一耳奈何以周天之星而分配之止
以辰星廟為蠻夷之星乎且亢青徐千餘里之地而
占角亢氐虛危奎婁胃八星吳越以南瀕海荆楚以
南包嶺何啻萬餘里而皆在牛女翼軫之分乎此皆
不可解者也或封國之始實主此星
或分陰陽若街南北之說當近是

周職方氏正西曰雍州其山鎮曰嶽山其澤藪曰弦
蒲其川涇汭其浸渭洛通典雍州秦其分野兼得魏

趙之交始皇置郡此為內史上郡北地九原隴西及

雲中之西南境項羽分秦地為三曰雍塞翟

章邯雍王都廢

丘今興平縣司馬欣塞王都櫟陽今咸寧縣董翳翟王都高奴今安塞縣

謂之三秦漢武

帝置十三州以其地西偏為涼州又置司隸領三輔

京兆左馮翊右扶風

漢地理志秦地其界自弘農故關以西京

兆扶風

故城在今永壽縣東南

馮翊

故城在今高陵縣西南

北地上郡

故城

在今綏德州城北

西河安定天水隴西西有金城武威張掖

酒泉燉煌秦之先栢益佐禹治水至非子為周孝王

養馬汧渭之間乃封諸秦令隴西秦亭秦谷

在今秦州

是

也平王東遷以襄公將兵有功賜以岐豐之地

秦遂橫有

宗周畿內八百里之地

後穆公稱伯惠公稱王其地於禹貢跨

雍梁二州詩風兼秦豳兩國有鄠杜竹林南山檀柘
之饒稱陸海為九州膏腴天水隴西民以板為屋及
安定北地上郡西河皆迫近戎狄上氣力修習戰備
漢興六郡良家子選給羽林期門名將多出焉自武
威以西本匈奴昆邪王休屠

音除

王地武帝時攘之初

置河西四郡以通西域隔絕南羌匈奴

內河西河郡應入冀州後

漢郡國志涼州刺史

台隴今隴西縣

部郡國十二隴西漢陽

武都金城安定北地武威張掖酒泉燉煌張掖屬國

居延屬國通考漢時為弘農安定北地上郡朔方五

原

本秦九原武帝改故城在今延安府神木縣

天水隴西金城武威張掖

酒泉燉煌凡十三郡而西河雲中二郡之西南境亦

隸焉唐地理志關內道

採訪使以京官領之

古雍州域京兆

本雍

州

華

華陰析京兆置

同鳳翔

扶風本岐州

邠

新平析北地置

隴

汧陽析扶風安

定二涇安原平隴西折原州武折原州寧彭原本
郡置定涼平隴西折原州武折原州寧彭原本
郡置定涼平隴西折原州武折原州寧彭原本

慶順廊洛交本坊中部分丹咸寧折延安靈靈
化廊上郡本坊中部分丹咸寧折延安靈靈
化廊上郡本坊中部分丹咸寧折延安靈靈

州故鳴雄故城在會寧折鹽五綏上郡本宥寧為
沙縣置雄故城在會寧折鹽五綏上郡本宥寧為
沙縣置雄故城在會寧折鹽五綏上郡本宥寧為

鶉首分麟新秦折豐原勝榆銀綏州置夏方為實沈
鶉首分麟新秦折豐原勝榆銀綏州置夏方為實沈
鶉首分麟新秦折豐原勝榆銀綏州置夏方為實沈

分商上為鶉火分府二京北都護府二單于安北
洛上為鶉火分府二京北都護府二單于安北
洛上為鶉火分府二京北都護府二單于安北

邠通典入京畿道渭州通隴右道則涼威秦天水瓜
典十道圖俱入隴右道隴右道則涼威秦天水瓜
典十道圖俱入隴右道隴右道則涼威秦天水瓜

析沙鄯西沙燉肅酒泉折甘蘭金城河安昌本廓寧洮
州置鄯西沙燉肅酒泉折甘蘭金城河安昌本廓寧洮
州置鄯西沙燉肅酒泉折甘蘭金城河安昌本廓寧洮

臨甘張伊吾西河亦鶉首分都護府二北庭西安
兆甘張伊吾西河亦鶉首分都護府二北庭西安
兆甘張伊吾西河亦鶉首分都護府二北庭西安

以西並雍州封域外羌胡之地

自祿山之亂没于吐蕃至貞元間隴

右州縣盡矣

初學記關內道東自同華畧河而北西自岐隴原會極于北垂隴右道自隴而

西盡其地也并得禹貢梁州之北境

宋史雍州為陝西路慶厯初

仁宗分

陝西沿邊為秦鳳涇原環慶鄜延四路熙寧五年

神宗

以熙河洮岷州通遠軍為一路五路共三十四州軍

後分京兆

本永興軍

河中二府陝商鮮同華耀號鄜延丹

坊環慶邠寧等州清平保安綏德定邊等軍為永興

路鳳翔府秦階

本武州

隴鳳成涇原渭熙河洮岷等州

鎮戎德順通遠等軍為秦鳳路仍以永興廊延環慶

秦鳳涇原熙河分六路各置經畧安撫司

宋陝西路南得利州

路興元府之城固褒城康水三縣及洋文沔金房階西和鳳七州大安一軍東得河東路之麟府二州及

石州之葭蘆吳堡二砦地

通考宋陝西夏寧綏宥靜靈鹽諸郡為

西夏所據甘涼瓜沙肅西伊安北安西北庭亦沒於

西夏及諸蕃後以五路三十四州軍分為兩路

見富上

平之敗五路俱陷僅守鳳翔之和尚原和議成歸陝

西地尋背盟再取止餘階成岷鳳四州屬四川之利

州路云大明一統志古雍州域今陝西省西安

秦置內史

郡漢為三輔長安以東為京兆以北為左馮翊渭城以西為右扶風東漢曰雍州周秦漢晉西魏後周隋

唐並都馬宋陞大都督府領永興軍路其地左

鳳翔

周岐雍地秦屬內史漢屬右扶風隋曰岐州唐為鳳翔府號西京其地厚田肥美汧渭岐漆雍五水所會

平涼

春秋朝那地秦屬北地郡漢分置安定郡唐置原州宋為涇原路其地左控五原右帶蘭會黃

峒阻其北崕

鞏昌

春秋羌戎地秦置隴西郡漢分為天水郡東漢更名漢陽三國魏為

重鎮晉分置南安郡唐置渭州宋改鞏昌

臨洮

古西羌地秦屬

隴西漢置金城郡晉析置狄道郡唐置洮州宋為鎮洮軍改熙州其地接巴徭控邊陲長城始於此慶

陽

周之先不密所居號北幽春秋義渠戎地秦置北地郡漢因之東漢至晉復為戎有元魏置朔州唐

宋為慶州其地原阜列峙溝澗輻輳為關輔保障府城北白豹城宋與西夏分界處延安春秋

所居秦置上郡漢因之東漢時郡廢晉陷于戎元魏置東夏州改延州宋陞延安府其地因河為塞五路

襟各府寧夏

秦屬上郡漢屬朔方郡元魏置夏州唐末以拓跋思恭鎮之其後元昊叛宋為

西夏其地西北有賀蘭之固東南有黃河之險寧夏中衛即唐靈州洮州秦漢諸戎地

所據後周置洮陽郡唐宋曰洮岷州秦漢屬隴西隋州其地西控番戎東蔽湟隴屬臨洮唐置岷

州其地東連熙河州秦屬隴西漢屬金城隴西隋置鞏西並洮疊抱罕郡唐宋曰河州其地環山

距河華靖虜秦屬隴西漢屬金城安定唐置榆林秦夷分環會州宋因之其地西山背河屬

雲中九原漢置五原郡隋唐曰勝州其地西北邊河套朔方要關

各衛及陝西行都

司

古月氏國地武帝置酒泉武威張掖西平四郡晉置涼州後分五涼入拓跋魏為甘州宋金時西夏

所據其地河山襟帶為羌戎通驛之路

其漢中府

戰國屬秦楚之北境始皇置漢中郡漢因

之晉置梁州唐宋為興元府其地前控三秦後據兩蜀左通襄沔右走陰平崖谷峻絕十里百折

梁

雍二州域

南鄭褒城城固洋縣西鄉鳳縣畧陽屬雍州鳳縣是梁雍之交

朱子曰前代都關中以黃河左右旋繞所謂臨不測

之淵也近東獨有函谷關一路通山東故可據以為

險又關中之山皆自西而東若橫山之險

今名橫嶺在慶陽府

寧州東一百里乃山之極高處本朝則自橫山以北
蓋子午山別阜

盡為西夏所有據高以臨我是以不可都也神宗銳
意欲取橫山夏人以死爭之章俊卿曰河北江南
皆天下制勝之地而挈南北之輕重者又在川陝夫
江南所恃以為固者長江也而四川據長江上游下
臨吳楚其勢足以奪長江之險河北所恃以為固者
黃河也而陝西據黃河上游下臨趙代其勢足以奪
黃河之險是川陝二地常制南北之命也鄭曉曰

雍州今全陝之地據岷嶓既藝則鞏昌府半當屬梁州據西傾因桓是來則臨洮府州縣亦當有屬梁者

按一統志四川松潘指揮使司北至陝西洮州衛界八百六十里大抵洮州以南屬梁州境夫雍

州四面山迴而東面臨中原險處正在華岳與黃河

交會雖在潼關

在西安府華州華陰縣

然河之南若無新安

河南

府新安縣有函谷新關漢武時楊僕所徙

則由沙澗可渡河至蒲州

屬山西平

陽府

河之北若無平陽則由烏嶺冷泉

平陽南有東烏嶺北有冷泉關

入平陽至蒲州自蒲州至龍門兩岸平廣可渡者百

里秦據函關陝西統平陽也夫守河北者當守陝西
守陝西者當極力守平陽河南府無陝西則河之南
江之南皆不可守六朝以迄宋元皆炯鑒也又曰東
距西河者今西安府同州朝邑縣及臨河諸縣是也

據職方豫州其山鎮曰華山則西安府東境華陰華

州當屬豫

按華山宜入雍州
周禮與禹貢不同

而臨河諸邑皆當為冀

州地一統志俱作雍州豈別有據乎愚按從古入

秦之道由河北為正道由河南為要道由南陽為間

道由漢中為險道其從河北入者必渡河津經臨晉
歷代以來若東漢鄧禹唐高祖及金洛索皆由之餘
多由河南道戰國時秦兼有河東之地故六國攻秦
必叩函谷雖項羽戰勝河北仍從新安攻破函谷至
咸陽以後劉裕滅姚泓安祿山犯長安皆自潼關入
所謂要道也武關路通南陽西即嶢關漢書注武關在商洛始
皇南巡衡山自南郡由武關歸知此是間道當山東
兵起秦必以重戍守函谷故漢高從宛城南攻武關

入藍田所以搗其虛也劉裕之伐秦檀道濟攻潼關
沈田子入武關所以分其備也至漢中道險實為窺
三秦之要徑項羽王漢高巴蜀而張良力請漢中地
其意已在關中故漢高從武都故道今鞏昌府
兩當縣入巴
蜀已而又從此路出襲雍王章邯諸葛亮亦從此攻
魏進窺關洛然陳倉箕谷之間山谷陡峻轉運極艱
此亮之屢出而無成也歟

弱水既西

漢地理志弱水在張掖郡刪丹縣

今陝西行都司甘肅丹衛一統志

弱水在甘肅丹衛城西

薛氏肇明曰源出吐谷渾界窮石山自山

丹西至合黎山

詳導山

與張掖河合

雍大記張掖河俗名黑河北入亦集

乃海子即古居延海

弱水去雍州甚遠初必壅遏而東欲治主

水先治客水禹因其性導之西流使不復入中國

林氏之奇曰衆水皆東而弱水獨西黑水獨南此其

性與勢然也必欲東之則逆其自然非行所無事矣

蔡傳通鑑魏太武擊柔然循粟水西行至菟園

音徒園

水

在燕然山南去平城三千七百餘里

又循弱水西行至涿邪

音耶

山則

弱水在菟園水之西涿邪山之東矣北史載太武至

菟園水分軍搜討東至瀚海西接張掖水北渡燕然

山與通鑑小異豈瀚海張掖水于弱水為近乎程氏

據西域傳以弱水為在條支

漢書西域傳條支臨西海傳聞條支有弱水西

王母亦未嘗見自條支乘水西行可百餘日近日所入也按條支一名大秦魏畧云弱水在大秦西援

引甚悉然長安西行一萬二千二百里又百餘日方至條支去雍州如此之遠禹豈應窮荒而導其流也

哉其說非是

唐書小勃律王居孽多城臨娑夷水娑夷水即弱水也不能勝草芥去長安九

千里而遠

愚按郭璞云弱水不勝鴻毛柳宗元謂弱水渙

散無力不能負芥而舊唐書又云東女國王居康延川中有弱水南流用牛皮為船以渡夫牛皮船可渡則前說為誣矣王樵亦云宗元愚溪對近於寓言未可深信

涇屬渭汭

山海經涇谷之山涇水出焉

郡縣志涇水源自漢州百泉縣西南涇谷

地理志涇水出安定郡涇陽縣

今平涼府平涼縣

西升音頭

山

淮南子涇水出薄洛山高誘註一名筭頭山顏師古曰山在今靈州東南雍大記筭頭山今在平涼

府城西十里山如婦人笄頭狀

東南至馮翊陽陵縣

今西安府高陵縣

入渭

過郡三

安定扶風京北

行千六十里雍大記涇水自平涼府

城西南發源至涇州又東南至邠州界

屬西安府

又東北

至涇陽縣界

屬西安府

又東至高陵會于渭漢地理志渭

水出隴西郡首陽縣

今臨洮府渭原縣

西南烏鼠同穴山東

至京兆北船司空縣

三輔黃圖有船庫官後為縣水經注春秋之渭汭也水會即船

司空所在蔡傳入河過郡四隴西天水扶風京兆行千八百七

十里

一統志渭河在渭源縣北二里自鳥鼠山東流經岐山扶風盤屋興平咸陽渭南至華陰界入

黃河孔傳屬連也水北曰汭言治涇水入于渭正義毛

詩傳汭水涯也鄭云汭之為言內也人皆南面望水

則北為汭涇水南入渭名為渭汭知是水北蔡傳汭

水地理志作芮出扶風郿汧縣今鳳翔府隴州弦蒲藪西北

東入涇

陝西志汭水在隴州南七十里

職方雍州其川涇汭詩芮鞠之

即是也

蔡說是謂涇水上屬于汭而下驚于渭

鄒氏季友曰若涇水先

合汭後入渭則經當言汭渭不當先渭而後汭況下文即有渭汭不可異說黃震曰古注水內為汭如古說涇入於渭水之內而漆沮澧水皆主渭言文意俱協若以汭為一水而入涇則涇屬渭汭者是涇既入渭汭又入涇下文漆沮之從澧水之同孰從孰同耶職方氏其川涇汭易氏解云汭非禹貢之汭禹貢言汭皆水內此川名蔡氏解嬌汭云水北解洛汭云洛水交流之內此却自背其說當為職方所誤由未覩

易氏解耳况導渭止言灃涇漆沮絕不及汭愚按涇渭合流三百里涇未屬渭之時雖濁而未甚見二水既合而清濁益分詩所謂涇以渭濁也夏書以洛表對洛汭汭是水北之曲此與同義當從傳疏無疑夏允彝曰涇渭灃澧灃鎬澇濇為關中八水而溉田之利得之涇水為多秦時鄭國鑿涇渠並北山東注洛三百里溉田四萬餘頃收皆畝一鍾漢兒寬穿六輔渠益溉鄭渠旁高仰之田白公復穿渠引涇水首

起谷口

漢谷口縣故城在今醴泉縣東北

尾入櫟陽

故城在今臨潼縣北

注渭

袤二百里溉田四千五百餘頃唐長孫無忌言白渠水帶泥淤灌田極肥美又渠水發源本高向下支分極衆若得流至同州則水饒足比為碾磴用水洩渠水隨入渭加以壅遏耗竭所以失利於是盡毀水上碾磴自宋迄今屢修鄭白二渠項忠余子俊阮勤並鑿石通水乃得引涇入渠水分為三名上白中白下白立陡門以均水夫秦漢時涇河平淺計古溝澮猶

有存者故引河作渠易耳年久河益深水勢與渠口
相懸益就上流然後能引水而疏鑿非故渠且多石
故其用力益難然欲變瀉鹵為沃壤亦存乎人若高
涇渭之渠杜入河之口如李冰壅江作壩法即高陵
櫟陽以北不讓江南諸郡矣

漆沮既從

漢地理志漆水出扶風漆縣

今西安府永壽縣

西

關中志漆

縣西北岐山

水經漆水出扶風杜陽縣

今鳳翔府麟遊縣

俞山東

北入于渭括地志漆水出富平縣今耀州富平縣入渭寰宇

記漆水自耀州同官縣今屬西東北界來一統志同官水即漆

水經經華原縣今省入耀州合沮水水經沮水出北地

郡直路縣今延安府宜君縣東過馮翊役祠縣今耀州同官漢役祠地役

丁活反北東入於洛此非冢嶺之洛詳下文蔡傳沮水自坊州

昇平縣故城在今延安府宜君縣西北北子午嶺出俗號子午水下

合榆谷慈馬等川遂為沮水至耀州華原縣合漆水

至同州朝邑縣今屬西東南入渭疏云沮不知所出蓋東入渭時已與

漆合雍大記沮河在臨潼縣東三十里自華原富平來入縣界合渭水王世懋曰沮水自耀州城後折而東漆水自石城右至考圖經是從扶風武功來者蘇傳從如少之從長渭大

而漆沮小故言從程大昌曰雍地四漆沮而實三

派富平新平普潤禹貢漆沮惟富平石川河正當其地何以

知其然也曰禹貢叙導渭自渭源以至入河漆沮僅

一見而其水行之序又在澧涇之下則自澧涇而上

凡後世名為漆沮者皆非也今以漢唐郡言之澧之

入渭在盤屋縣今屬西境縣蓋咸陽西南涇之入渭

在陽陵則在咸陽之東矣漆沮入渭在漢馮翊之懷

德縣即唐同州之朝邑縣也

括地志懷德故城在朝邑縣西南四十三里

朝邑又在陽陵東北三四百里故石川之漆沮其派序入渭在澧涇之東全與經應也缺

漢志扶風漆縣有漆水此漆縣疆境甚濶唐鳳翔之

普潤

普潤廢縣在今麟遊縣西一百二十里本漢杜陽縣地

暨邠州之新平

新平

縣今并入邠州邠在岐北二百里

其地本皆屬漆今從唐郡縣以求

古地則公劉之邠在邠州新平太王之岐在鳳翔普潤岐之與邠固皆同隸漢世漆縣然而漢志漆水特一出無兩漆也李吉甫元和志遂分漢志一漆為兩故普潤新平皆有漆水仍于新平明立之說曰漆水在縣西九里西流注于涇今鳳翔麟遊即普潤上流亦有漆水與此異也據志此言政謂邠州漆水合經於綿詩自土沮漆而岐下漆水不與綿應也按一統志不

言邠州有漆水至秦漢以後皆言洛即漆沮所謂洛

水者地理志源出北地郡歸德縣北蠻夷中

山海經白於之

山洛水出于其陽而東流注于渭括地志白於山在慶州洛源縣

其水自入塞後經

廊坊同三州乃始入渭孔安國輩謂自馮翊懷德縣

入渭者是也

水經注渭水過華陰縣北洛水入焉關駟以為即漆沮

所謂沮水

者長安志曰自邠州東北來

涇水向陽陵入渭在邠之南面沮水在邠之東

北至華原縣南流乃合漆水入富平縣石川河石川

河者沮水正派也所謂漆水者長安志曰漆水自華

原縣東北同官縣界來南流入富平縣石川河是為
合漆之地也此三水分合之詳也漆在沮東至華原
而西乃始合沮沮在漆西既已受漆則遂南東而合
乎洛洛又在漆沮之東至同州白水縣與漆沮合而
相與南流以入于渭三水雖分至白水遂混為一流
故自孔安國班固以後論著皆指懷德入渭之水為
洛水而云洛即漆沮言其本同也若鄭白二渠亦分
漆沮之名者二渠自雲陽谷口東入石川河石川河

既為漆沮故世亦誤以二渠為漆沮也 韓邦奇曰

漆水蔡傳云自同官縣來他更無証而鳳翔有漆

出鳳

翔府
隴州

鞏昌有沮

出鞏昌府
潛州境

皆自本境入渭源派甚明

但其地在澧水入渭之上與經文不合考洛水出慶
陽府環縣即古洛源縣也經延安府甘泉縣鄜州宜
君縣子午嶺至中部縣入西安府界經耀州及同官
縣至富平合沮水歷蒲城同州至朝邑縣東南入渭
至今人皆呼為洛河顏師古曰漆沮即洛水也豈洛

亦名漆歟沮水出宜君縣至子午嶺合子午水逕中部縣東南流至富平合漆水即洛也子午嶺乃子午山一支其山歷延安慶陽西安三府綿亘八百里蔡傳榆谷川非也榆谷在臨洮去渭源近合榆谷者乃鞏昌沮水也延安沮水何由西行數百里至臨洮既至臨洮又何由至西安之耀州又曰作記者以二漆為一水而莫究其源但云自同官縣界來而不知自同官來者洛也一統志遂言同官之漆出自鳳翔而

不知漆水為涇汭所間其能飛渡涇汭而來同官耶
同官有漆潭三面山如壁立水流東壑間正所謂
自同官縣界來者至富平不百里即入洛但其水甚
小禹何故舍洛而取漆豈無施勞者雖大亦略歟或
漆沮實鳳輦之水而經文有錯簡漆沮既從當在灋

水攸同之前歟

雍大記曰漆水在武功縣東門外康子武功志曰漆水今謬為武水者也

自幽岐之間來縣北受洛水南受漳水入渭鄭漁仲信漆由富平入渭之說蓋括地志未審郿岐涇渭脈絡富平在涇東漆在涇西安有岐梁之水越涇而東再至富平始入渭也按何仲默此辨止摺入渭上流

者言之與韓苑洛合但武水一統志不云即漆水當更考愚按漆沮雖名三派實

止二派段氏謂詩漆沮入渭上流在岐周之間此漆沮入

渭下流在澧涇之下故惟富平石川河足當之據韓氏所

疑程氏又未為定說

澧水攸同

澧漢書作鄠

漢地理志鄠水出扶風鄠縣

今屬西安府

東南

雍大記出長安縣西

南五十里終南山澧谷

北過上林苑

在今西安府渭南縣

入渭詩傳澧水

東北流經豐邑之東

鄭氏詩箋豐邑在澧水之西鎬京在澧水之東三輔決錄相去

二十五里入渭而注于河

水經注渭水又東與澧水會于短陰山

蔡傳東至

咸陽縣入渭蘇傳澧渭相若故曰同

西魏取澧水攸同名州今西安

府同州是也

程大昌曰漆沮下流既已附從則上流不壅

澧水亦遂東行也

徐常吉曰涇漆沮皆在渭水之

北涇水自北來注于渭漆沮自東北來注于渭惟澧

水在渭之南自南來注于渭

荆岐既旅終南惇物至于鳥鼠

孔傳此荆在岐東非荊州之荆

此北條荆山

漢地理志荆

山在馮翊懷德縣

註見前

南

郡縣志荆山在京兆府富平縣西南三十五里

蔡

傳即耀州富平縣掘陵源馬理曰此原乃唐之獻陵

非山也四夷郡縣圖記謂黃帝鑄鼎于荆山在今三

原縣

屬西安府耀州

嵯峨山蓋嵯峨即荆山也

郡國志嵯峨山在三原山

顛雲起則雨一名慈峨山按一統志荆山在富平縣西南十里嵯峨山在涇陽縣北五十里此又云嵯峨

在三原豈一山而連跨三邑遂異名歟

其山高出雲表登其巔則涇渭

黃河俱在目前其別嶺有西原中原東原縣所由名

按帝王世紀禹鑄九鼎于荆山即此富平之荆山也山下有荆渠相傳禹鑄鼎處黃帝鑄鼎之荆山一統

志云在河南閩鄉縣然馬谿田乃漢地理志岐山在三原人其言又當不誣俟更考

扶風美陽縣

今鳳翔府岐山縣

西北

郡縣志岐山在岐山縣東北十里皇甫謐云今

美陽西北有岐城舊址

說文山有兩岐故名文王時鳳鳴岐山

即此俗呼鳳凰堆

又名天柱山詩譜周自太王居岐之陽地形險固而原田肥美雍

錄邠州南一百三十里為奉天縣有梁山焉是太王去邠所踰也岐水之北有岐山焉是太王所邑也其南為周原蓋太王元都渭北而兼跨周原以廣其聚故合兩地而稱岐周也岐周在唐都西三百六十里

正義禹治水從下自東而西故先荆後岐漢地理志

扶風武功縣東有太一山古文以為終南

一統志終南山在西

安府城南五十里東西連亘水經注終南杜預以為
藍田咸寧長安藍屋四縣境

中南

言居地絡陰陽之中

亦名太白

太白山在武功縣南俗云武功太白去天三百一統

志太白山在武功縣南九十里

三秦記南山深處高而長大無異名

者曰秦嶺

嶺水北流入渭號八百秦川

舊陝志秦嶺南為地絡之

陽山為南列南條水則為江州則為梁北為地絡之

陰山為北列北條水則為河州則為雍星野亦於此

分焉是地之脊也漢地理志扶風武功縣東有垂山

古文以為惇物

一統志惇物山在武功縣東南二百里按水經注華山古之惇物也觀

經丈所舉諸山皆自東而西華山隸華陰在終南東二百餘里其說謬妄甚明鳥鼠在隴西

郡首陽縣

今臨洮府渭源縣

西南蔡傳俗呼為青雀山

詳導水

孔傳終南惇物鳥鼠三山名言相望正義至于為首

尾之詞故言相望也

惇物在終南之西鳥鼠在惇物西北

蔡傳舉三山

而不言所治者蒙上既旅之文鄭曉曰荆山漆沮所

經岐山涇汭所經終南澧水所出惇物澧水所經

按惇

物非澧所經近解誤

鳥鼠渭水所出程大昌曰終南山橫亘

關中南面凡雍岐郿鄠長安萬年

即咸陽縣

相去且八百

里而連綿峙據其南者皆此一山既高且廣多出物
產故禹貢曰終南惇物惇物者即東方朔傳所記謂
出玉石金銀銅鐵豫章檀栢百工可以取給萬民可
以仰足者也秦詩終南何有有條有梅條梅其物也
兼有此者明其富舉一以見餘也是自堯禹以至周
漢皆言終南之饒物產不當別有一山自名惇物也
漢志引古文而曰太一者終南也垂山者惇物也不
知何本

按惇物辨甚
核而疑其鑿

又曰太一之名先秦無之漢武

帝始用方士言尊太一以配天帝則凡言太一者皆當在武帝後也水經注于武功終南引杜預為據而曰此山亦名太白其曰終南則無間乎武功之與萬年此山皆在矣至曰太白則實隸武功東距萬年蓋不啻三百里古圖經無言太白即為太一者也長安志萬年縣炭谷有太一祠焉始可命為太一而非武功之太白矣古文謂武功之終南即為太一是殆誤認武功之太白而世莫之正耳關中記曰終南南山

之總稱太一山之別號元和志亦曰終南太一非一

山此其說是也又三秦記曰太一在驪山西去長安

二百里一名地肺山

一統志太一山在終南山南二十里

則凡指終南

以為太一者當在萬年不當在武功此又可審也至

于南山首末不止近在關中而已西域傳曰于闐南

山東出金城與漢南山屬焉則自于闐南山以至長

安之南山數千里相屬未嘗間斷合其本末于闐南

山為南山發跡之始而關中南山為南山東出之終

秦詩作于周時固已指關中南山為終南矣知非班固臆說

原隰底績至于豬野

說文隰阪下濕也王樵曰原隰泛言則廣平下濕之地此對豬野則有定指故鄭玄引詩度其隰原以為

說而曰其地在豳

郿縣志郿州新平縣有五龍原永壽有永壽原宜祿縣有淺水原

朱子詩傳亦曰豳在岐山之北原隰之野禹之底績公劉之徹田為糧一也漢地理志武威縣東北有休

屠

音除 本匈奴休屠王所居漢武置武威郡因以名澤

古文以為豬野澤

陝西

志在今涼州衛城東北

水經注谷水出姑臧南山北至武威分

為二一水北入休屠澤

俗謂西海

一水又東逕一百五十

里入豬野世通謂之都野矣蔡傳治水成功自高而下故先言山次原隰次陂澤也 愚按原隰在豳岐

之間豬野在甘涼之境相去凡三千里而皆底績蓋

豳地務農桑好稼穡其本業也而涼州澤草茂盛自

魏太武北伐謂姑臧城外

姑臧漢武威郡治故城在今涼州衛城東北

湧

泉如河自餘溝渠流入澤中其間乃無燥地又漢書稱涼州之畜為天下饒吏民相親穀糴常賤誠沃土也是故諸涼以一郡而雄視西河西夏以一隅而抗

衡中國

張軌為前涼呂光為後涼李嵩遷酒泉為西涼沮渠蒙遜據張掖為北涼禿髮烏孤據姑

臧為南涼宋元昊并五涼之地兼有靈夏

三危既宅三苗丕叙

山海經三危山在積石山西一千二百里廣圓百里

郭璞註今在燉煌郡括地志在沙州燉煌縣東南三十里一統志在陝西行都司沙州衛城東南二十里

其山三峰峭絕因名正義左傳先王居禱杭于四裔故雍大記俗名昇雨山

允姓之姦居于瓜州杜預曰允姓之祖與三苗同放

于三危瓜州今燉煌也鄭玄引地記云三危在鳥鼠西

南當岷山則在積石之西南地記未必可信要知三

危必在河之南也當作河西愚按舜流三苗于三危其後

子孫為羌戎黃韜曰羌本姜姓三苗之後居三危今疊宕松諸州皆羌地代有其

地謂之瓜州漢書註其地多生瓜秦及漢初為月氏匈奴境水經

注瓜州之戎并子月氏武帝後元分酒泉置燉煌郡即古瓜州

南七里有鳴沙山故亦曰沙州

唐置故城在今肅州衛城西八百餘里

禹治水至此使三苗亦可安居大得其叙聖人之仁

不以投之四裔而棄之也

杜佑曰三苗本有苗氏之族今長沙衡陽間是徙居

三危分而為三

三苗之國左洞庭右彭蠡負固衡湘之間

舜竄其首惡而立其次者于舊都及竄者既不叙而

留者猶不即工故命禹徂征至來格後乃考其善惡

而分背之今自巴蜀以東歷湖南北桂嶺雲貴數千

里谿峒山箐之中蠻獠數種曰玃曰玃曰獠曰玃曰

獐其間最輕捷者曰苗依山以居若猿猱然說者謂
即古三苗之後陳子龍曰三凶皆一人可遷三苗則
舉國西徙亦猶漢武之遷歐越成周之遷殷頑也

厥土惟黃壤

林氏之奇曰物得其常性者最貴雍之土黃壤故其
田非他州所及

厥田惟上上厥賦中下

田第一賦第六王氏炎曰東方朔云豐鎬之間號為

土膏賈畝一金田上上可知孔傳賦第六人功少

蔡傳

地狹而人功少也按雍州之境首言弱水終言三危不得為狹從孔傳是

厥貢惟球琳琅玕

正義球琳美玉名琅玕石似珠者釋地云西北之美者有崑崙虛之球琳琅玕焉蔡傳今南海有青琅玕

珊瑚屬愚按古崑岡出玉見之經志又漢書藍田縣

出美玉

三秦記藍田有川三十里其水北流出玉

括地志驪山之陽多美

玉

驪山在今西安府臨潼縣

今皆不復產矣琅玕孔傳訓石似玉

而說文云琅玕似珠孔疏及蔡傳從之蓋古人謂石之美者多曰珠廣雅謂瑠璃珊瑚皆為珠是也林駟曰三品琅玕之貢幾如漢人之誅耐音宙金矣熊羆狐狸之貢幾如漢人之求天馬矣海錯橘柚之貢幾如唐人之荔枝驛騎矣然古者以貢為賦政什一便民之法球琳之屬皆入土貢以償田賦之輕也聖人初何心過求哉

丘濬曰漢時關中之藍田幽州之玉田皆出玉其時

西域未通也今關中所用之玉皆來自于闐其國有

白玉綠玉玄玉河

源皆出崑崙山西流千三百里至國界每歲五六月水暴漲玉隨流

至多寡由水細大水退乃可取國人視月光盛處必得美玉

抑土石之精其生有

限而取之易盡古人比德于玉用為器用雜佩之屬

不一而足是玉在古為用甚多今世小民有不識玉

者由是推之漢之金以斤計每以萬言唐漸少宋與

今益少無乃千歲之後中國之金將與玉同耶不可

不為之限節也

浮于積石至于龍門西河會于渭汭

漢地理志曰積石山在金城河關縣西南羌中

水經注積

石在西羌之中燒當所居鄭樵曰積石在鄯州鄯州古湟中一統志今陝西行都司西寧衛唐鄯州地積

石山在西寧衛廢龍支縣之南龍門山兩山如削黃

又曰在河州衛城西北七十里

河中流西臨蕃界正義河行塞外東北入塞內積石

非河源河從西來至此北行故沿河順流而北釋水

云河千里一曲一直故千里而東千里而南至于龍

門西河也漢地理志龍門在馮翊夏陽縣

故城在今西安府郿

陽縣東北孔傳在河東之西界三秦記龍門去長安四十里北九百里一統志龍門在西安府韓城縣東

北八十里又云在平陽府河津縣西北三十里正義此山當河之道禹鑿以

通河

魏地記梁山北有龍門山大禹所鑿通孟津河口廣八十步岩際錫迹猶存

一統志

兩崖絕壁相對如門惟神龍可越故曰龍門

鄭曉曰河自積

石至龍門三千里繞雍州西北東三面之地龍門在雍東冀西二州之間河流最險隘處蔡傳西

河冀之西河也雍之貢道有二其東北境則自積石

至于西河其西南境則會於渭汭言渭汭不言河者

蒙梁州之文也他州貢賦亦當不止一道發此例以

互見耳鄭曉曰渭汭渭之北也貢物之來或由漆沮或由澧涇皆會渭水之北而入河汭字甚當今渭水舟楫入蒲州必經渭北岸蒲州即冀州也惟往陝州者

屬河南府

由南岸或中流耳愚按河在渭北渭水入河

之後為渭汭况上文已出西河則不必更言入河矣蔡謂蒙梁州之文非是王樵曰蔡傳雍之東北境則自積石至于西河東北當云西北蓋雍東距河若東北境則直浮西河不須從積石也蔡氏所以知其為

兩道者以龍門非可越而渭自鳥鼠而東中貫雍境
取漕莫徑焉使內地之漕則當徑達西河更無用經
涉龍門以此知其西北一道西南一道也 熊氏禾

曰正道皆從渭達河惟山脊以西之地道不可通者
必由積石龍門 愚按導河始于積石而即以為貢

道治河兼治漕不獨今然也春秋時秦輸粟于晉自

雍及絳相繼命曰汎舟之役秦都雍

今鳳翔府鳳翔縣

雍臨

渭晉都絳

今平陽府絳州

絳臨汾由渭入河

渭水至華陰入河是順流

由

河朔汾

汾水至汾陰入河是逆流

疑即雍州之西南貢道

漢歲漕關東粟以給中都官從渭水而上初止數十

萬石武帝增至六百萬石從鄭當時議發卒引渭穿

渠以漕起長安並南山下至河三百里溉民田萬頃

于慎行曰漢漕山東粟百萬更砥柱之險以達于渭

吳寬曰漢初穿渠引渭以漕關東之粟其後又引汾

引河以漕又其後通褒斜道

唐初府兵未廢漕甚省開元中裴耀

卿主運凡三歲運至七百餘萬石沿河置倉

于三門東西置

倉開山十八里為陸運以避水險自河套西至太原倉

隨地轉輸天寶三載韋

堅修漢運渠乃占咸陽壅渭為堰絕灞澹並渭而東

注永豐倉下

永豐倉在渭水入黃河處漢之船司空也

復與渭合是歲漕

粟四百餘萬石其後劉晏遵耀卿之路隨江汴河渭

所宜江船不入汴汴船不入河河船不入渭江南之

運積河陰河船之運積渭口渭船之運入太倉歲運

一百十萬石無升斗溺者

呂東萊曰唐時漕運極遠自江入淮自淮入汴自

汴入洛自洛入黃河自黃河入渭方至關中耀卿之法雖稍紓民力當時民丁約四百萬使丁出錢一百

為漕運費亦大擾民矣章潢曰漕莫善于轉般莫不善於直達直達自宋徽宗始

王樵曰

河從積石北流入北狄界中折而東流凡二千餘里
漢人謂之北河其內今謂之河套即秦始皇斥奪匈
奴河南地也在古已為通舟轉漕之道蓋唐虞聲教
暨于朔南冀之北垂遠出河外猶在荒服此其所以
不可及也三代之季北狄入居河內始皇逐出之劉
項之際復為匈奴所據武帝開朔方復取之宋時為
西夏所據者幾三百年

凡據河內外州郡二十有二

蓋其地肥饒

其人勁悍又產健馬乃關中之屏蔽得之則強失之

則弱歷代知其為邊境之要害而不知其為唐虞之

故疆也蔡傳引李復駁邢恕之說

恕奏乞下熙河路造船五百于黃河

順流藏會州西小河內去取興州熙河路漕使李復駁之謂會州西小河鹹水淺狹豈能藏舟黃河過渭州石峽險窄垂流直下高數十丈船豈可過此聲若出必為夏國侮笑事遂寢

疑積石至龍

門三千里通舟無阻于後世之跡多所不合然神禹

導川通貢著其道路所經明若指掌此曰浮于積石

至于龍門西河後曰導河積石至于龍門曰導曰至

非河通流至于龍門之驗耶曰浮曰至非舟通行至

于龍門之驗耶邢恕所奏會州小河等當非積石龍
門故道李復所言亦或出吏民之託辭不必引也抑
不特此北河之外陰山綿亘中外大限當以此分敵
得之則據以窺中國中國得之則據以窺敵乘高而
望出沒踪跡皆見其外皆大磧南北數千里東西數
千里無水草不可駐牧敵不得陰山必踰大磧而居
其北北即漠北也漢武長驅于陰山之外而漠南無
王庭後過之未嘗不哭也漠南即陰山之南黃河之

北敵所利以飽其力而內犯者也奈之何北河之內

復使得為巢窟哉

程大昌曰漢朔方之北代郡之西高闕之東有陰山馬在豐勝河之

北漢書音義謂為河南誤也鄭曉曰陰山在今陝西山西之北西出賀蘭東抵醫無閭重山連阜隔絕北狄唐三受降城正在陰山按史西域南直靈武今寧夏地中城南直朔方今河套地東城南直榆林在今綏雲之閒

織皮崑崙析支渠搜西戎即叙

搜漢書作叟

山海經西海之南流沙之濱赤水之後黑水之前有大丘名曰崑崙漢地理志崑崙山在金城郡臨羌縣

西括地志在肅州酒泉縣南八十里

熊氏曰崑崙唐書以為在吐蕃

界一統志在肅州衛城西南二百五十里與甘州山連經夏積雪不消世呼雪山又云在西番朶甘衛東北番名伊喇瑪博羅山極高峻綿亘五百餘里黃河經其南後漢書羌地在金城

郡河關縣之西南濱乎賜支至乎河首綿地千里

應劭

曰折支在河關西千餘里賜支者禹貢所謂析支也

司馬彪曰西羌居析支水

西河水屈而東北流經于其地是為河曲舊唐書党項羌在古折支之地漢西羌別種其地東距松州北接吐谷澤一統志

漢地理志朔方郡有渠搜縣中部

都尉治

武帝紀北發渠搜

水經河自朔方東轉經渠搜縣故

城北

異物志古渠搜國當大宛北界

孔傳在荒服之外流沙之內羌

鬻之屬皆就次序美禹之功及戎狄也蔡傳三國皆

貢皮衣故以織皮冠之皆西方戎落故以西戎總之

金氏曰雍州西界黑水此諸國又在黑水之外故附于後孔傳四國皆衣皮毛疏分渠搜為二國鄭玄

并為一蔡傳從之

蘇傳三國篚織皮其文當在厥貢球琳

琅玕之下浮于積石之上簡編脫誤不可不正王樵曰

浮于積石至于龍門西河正記崑崙析支渠搜三國

貢道所由也梁州織皮之貢則曰西傾因桓是來雍

州織皮之貢則曰浮于積石至龍門西河此與冀州
島夷皮服夾右碣石入于河書法相類特古文詳略
變化有不同耳蔡傳亦取蘇說當從之但云三國篚
織皮則非是蓋梁雍二州本無入篚之貢會于渭汭
與梁州浮于潛四句對乃是通州貢道西戎織皮當
亦由此也又曰雍州崑崙蔡傳謂即河源所出鄭端
簡非之是也此崑崙今在西番界近甘肅若河源崑
崙去中國極遠水經崑崙虛在西北去嵩高五萬里

山海經自崑崙至積石一千七百四十里穆天子傳
天子自宗周至崑崙合八千一百里數說遠近不同
難以詳究近世焦竑又謂崑崙近山在西涼酒泉之
地穆王見西王母之所晉酒泉太守馬岌所言石室
玉堂珠璣鏤飾尚在者也崑崙遠山則博物志所言
在大秦西海之濱成光子云在香山南雪山北山頂
上池周八百里河源出焉佛經謂之蘇迷山也其言
祖崑崙為地中之說雖未可深信要之導河不及崑

崙亦以九域而外荒遠宜畧聖人所以別華壤限絕

域也使在雍州外徼必為禹跡所經何以張騫甘英

輩久歷西域諸國而卒不得其詳哉觀禹貢崙崙與

析支渠搜並誌則其地不越玉門

在故瓜州西北十八里

嘉峪

在令肅州衛城西六十里

之間其國亦在歲見終王之列而非即

河源所出之崙崙明矣析支渠搜馬理謂即今河套

直寧夏東北考唐書吐蕃之先本羌屬散處河湟洮

岷間其酋唐旄等居析支水西

一統志云即禹貢析支

後有樊

尼者西濟河逾積石居跋布川或邏沙川據此則析
支又在積石之東為河套以西地惟渠搜在今河套
內耳熊氏謂析川即陰山河南等處恐非又曰雍州
迫近戎狄西周末戎偪諸夏自隴山以東及乎伊洛
往往有戎

渭北有翟源邽冀之戎涇北有義渠戎洛川有大荔之戎渭南有驪戎

西漢

先零東漢燒當晉氏羌唐吐蕃歷代侵軼為患皆西
戎也漢武圖制匈奴患其兼從西國結黨南羌乃表
河曲列四郡開玉門通西域以斷匈奴右臂隔絕南

羌月氏單于失援由是遠遁

漢通西域南道從蜀北道從金城酒泉南道險

遠卒不通而北道通焉蓋匈奴遠遁故也

然賂遺萬里師旅之費不可勝

計卒致輪臺之悔且通西域有龍堆葱嶺之險有身

熱首痛風災鬼難繩行懸度之阨班固所謂與漢隔

絕道路又遠得之不為益失之不為損也明初下河

西棄燉煌

漢燉煌郡今為赤斤蒙古衛

畫嘉峪關為界蓋亦用班

固之說云

後世號關中為沃野謂之天府然就其間較之亦

惟涇渭澧漆之區最為膏壤西北二邊偏于戎狄故
禹于雍州自終南至鳥鼠則自東而西自原隰至豬
野三危則自內而外賦出六等生聚蓋不同也戰國
秦漢時富庶甲天下自唐至今雍冀悉非古矣雖關
中亦仰東南之粟昔鄭白二渠之饒衣食京師億萬
口唐杜佑以為大厯初所溉田比于漢減三萬八千
頃是時長安尚為京都而佑言已如此然則古今地
利之不同豈無其由哉

輯金仁山
諸家說

王樵曰九邊陝

居其四延綏寧夏固原甘肅也

延綏鎮城舊在綏德成化中徙榆林在神

世衛所城青澗外二百餘里橫絕河套之口固原地近鞏漢與寧夏稱唇齒

自河套棄而

敵據西海鳴鏑日驕甘涼以西即哈密地雖內附無
係中國重輕蘇子由云戎強則臣狄狄強則臣戎戎
狄皆弱而後中國可得而臣戎狄皆強而後侵略不
至于中國一強一弱中國之憂也斯言豈不信哉

鄭曉曰夾右碣石入于河今遮洋運道也浮于汶達
于濟浮于濟漂達于河今會通河也浮于淮泗達于

河淮安至徐邳也沿于江海達于淮泗國初海運及永樂初中漚之運也浮于江沱潛漢江西湖廣之道也未必盡同大勢若此劍閣雲棧通于秦始皇時故梁州故道必因桓浮潛逾沔入渭視他州為遠且難也浮于積石至龍門西河今蘭州北折而東為河套轉入中國山西之西陝西之東之河道是也

羅泌曰堯之水河患為甚濟次之淮次之江漢次之濁河所被冀兗重而雍輕濟之所被徐輕而豫兗重

又曰揚不言南梁雍不言北則以境接蠻狄提封叛
服不常故也 許氏謙曰冀梁雍言山獨詳者天下
之勢西北高而多山故也徐雖言山乃蒙羽之小者
又止言藝則不專主于導山冀青梁不言澤者冀梁
多山而地峻青邊海而水易洩故三州無澤也雍雖
多山而緒野在其西北之偏黃河之外地形稍下故
有之也揚荆豫梁不言原隰者諸州有澤者無原隰
有原隰者無澤揚州彭蠡震澤其浸甚大荊州雲夢

濶數百里豫之滎波荷澤孟豬皆巨浸則原隰之地固少矣充徐雍二者皆有者充止言宜桑之土耳而雍則豬野在河外原隰在河內相去甚遠徐之東原地甚卑嘗有水患雖曰原其實下濕謂居濟之東而稍高爾梁州二者皆無為多山而下不足豬水且無曠平之地也梁雍無籬者多山之地惟出獸皮而所織為罽不假于籬也充荆豫不言夷者凡地接山海邊陲之地則有夷豫居天下之中荆雖居南而禹貢

之地不踰嶺充雖在東北而東南接青徐西北皆冀
境故三州無夷也充徐揚獨言草木者三州在東方
為河濟江淮下流被水特甚草木不生令水去而生
草木故特志之也

禹貢長箋卷九